

**Ammasumik ataatsimiinnermi oqaluuserisassat:**

<b>Imm. 1</b>	<b>Oqaluuserisassat akuersissutigineri .....</b>	<b>3</b>
<b>Imm. 2</b>	<b>Allaffeqarfimmit paasissutissiineq .....</b>	<b>3</b>
<b>Imm. 3.1</b>	<b>2020-imi sanaartornermut aningaasaliissutit atorpeqanngitsut 2021 -imut nuufitsineq 4</b>	
<b>Imm 4.1</b>	<b>Maniitsumi qaartiterutissaasivimmut aqquuserngup Sarfat tungaanut tallinissaanut siunnersuut.....</b>	<b>7</b>
<b>Imm. 4.2</b>	<b>Ungusiviup qaavani aqquuserngit aqqi.....</b>	<b>12</b>
<b>Imm. 4.3</b>	<b>Inuusuttunut inissiat, Atammik .....</b>	<b>14</b>
<b>Imm. 4.4</b>	<b>DTU aamma Qeqqata Kommuniata akornanni suleqatigiinneratigut oqquilluni unnuisarfinnik sanaartorneq.....</b>	<b>17</b>
<b>Imm. 4.5</b>	<b>Sisimiut Kangerlussuullu akornanni aqqusinermut sioraasumut sanaartornermut pilersaarut.....</b>	<b>20</b>
<b>Imm. 6.1</b>	<b>Sisimiut eqqaani siorarsuit nalaani immap naqqanit paaaneq pillugu innersuussut.....</b>	<b>24</b>
<b>Imm. 6.2</b>	<b>Ergup nukinganik sanaartunermut inatsisip Inatsisartunit pingajussaaneerneqarneranut tusarniummut akissuteqaatip paasissutissiissutigineri .</b>	<b>28</b>
<b>Imm. 6.3</b>	<b>Ilisimatitsissut Qeqqata Kommuniani angallassissutit tamanit atorneqarsinnaasut.....</b>	<b>32</b>
<b>Imm. 6.4</b>	<b>Teknikkeqarnermut tunngasut iluanni akissarsianut aningaasaliisutininik atuinerup qaffannerunera pillugu paasissutissiissut, missingersuut 2020.....</b>	<b>38</b>
<b>Imm. 8</b>	<b>Tamalaat.....</b>	<b>44</b>

Ataatsimiinneq allartippoq nal. 14.00

Ataatsimiinneq naavoq nal. 15.45

**Peqataasut:**

***Inuit Ataqtigiit***

Nivi H. Efraimsen

***Siumut***

Aqqalu Skifte

Barnabas Larsen

***Partii Naleraq***

Karl Lyberth

***Nalunaaruteqarlutik peqataanngitsut***

Gideon Lyberth (Siumut)

***Nalunaaruteqaratik peqataanngitsut:***

**Imm. 1 Oqaluuserisassat akuersissutigineri**  
Akuersissutigineqarpoq

**Imm. 2 Allaffeqarfimmit paasissutissiineq**

Sisimiuni allaffeqarfik:

- Teknikkeqarnermut Avatangiisinullu immikkoortorta q nunaminertat pillugit sullissisunit marluusuniit suli ataaseq inuttaqanngilaq. Tamanna isumaqarpoq, nunaminertat pillugit sullissineq kinguaattoorfioqqasoq. Atorfik sisamassaa saqqummiullugu inuttassarsiorneqarpoq.
- Sisimiuni aqqusinernik asfalterineq ingerlavoq.
- Sanaartugassat suliassat tamarmik ingerlapput, kisianni covid-19-imik killilesuineq pissutaallui kinguaattooqqapput. Sarfannguani illu tamatigoortoq kinguaattoorfioqqavoq.
- Nukissiorfiit nalunaarutigini kuuvaat, siunissami sanaartorfissagissaanermut aningaasaleeqataanermik tapiissuteqaqqissanatik, taamaammattam akkiisumik kommunimut aningaasartuutinningsaaq. Nuna tamakkerlugu aningaasaqarnikkut kingunissaa 15 mi. Koruuiusaaq. Sanaartorfissagissaanermut aningaasaleeqataassutit sumiiffimmik malillugu nikerparut, soorlu assersuutigalugu Sisimiuni immikkoortumik A30-mi, kpt 39, innaallagissamut pilersuinermi aqqutit ilanngunneqanngippata sanaartorfissagissaaneq 2 mio. koruuninik akisunerussagaluarpog. Ataatsimiititaliap tulliani ataatsimiinnissaanut – UT 06.21-mut suliamik saqqummiussassamik suliaqartoqassaaq.

Maniitsumi allaffeqarfik:

- Ukioq mannamut Maniitsumi asfalterinissaaq ingerlanneqareernikuuvoq, naatsorsuutigisatullu ingerlanikuullut.
- Akunnequtini puttasut aqqarneqareerput.
- Pilersaarusiornermut pisortaaq Maniitsumut nunaqarfiinullu tikeraassaaq.
- Tasersuup eqqaani cykkilertarfik pinnguartarfillu sanaartorneqarput.
- Sulisussaaleqineq pissutaalluni sanaartugassat suliassat tamarmik kinguaattooqqapput. Ivissuit tungaannut kuuffissualersuineq aallartinneqarnikuuvoq. Kangaamiuni Iliveqarfiup tungaanut aqqusinermik talliliinemik isumaqatigiissut qularnaveeqqutillu inissipput.

**Imm. 3.1      2020-imi sanaartornermut aningaasaliissutit atorneqanngitsut 2021-imut nuutitsineq**

*Journalnr. 06.03.01*

Tunuliaqutaq

Ilanngussami sanaartukkanut ingerlasunut tunngatillugu 2020-imi aningaasaliissutinik atunngitsuukkanik (sippuinernullu) 2021-mut missingersuutitut sanaartukkat aallartisarneqareersunut ilanngussaq 1-mi allassimasunut nuutitsinissamik Teknikkimut Avatangiisinullu immikkoortortaq matumuuna siunnersuuteqarpoq.

Maleruagassatut tunngavissat

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Pissutsit atuutut

Sanaartornermi suliassat takussutissiami ilanngussaq 1-imi qalipaaserneqarput.

Sisimiut Maniitsullu eqqaani sanaartornerit kiisalu ataatsimoorussamik atuiffimmi suliassat pineqarput.

Quleriaani "Oqaaseqaatit" ataani sanaartugassanut pilersaarutini aningaasanik nuutitsinissamik sippuinisamillu kissaatigineqartunut sumiiffiit allassimapput.

Illunik nutarsaanernut, sunngiffimmi silami atortorissaarutitut, atatasimut nunaqarfinni aqquserniornernut avatangiisinullu tapiissutitut ukiumut aningaasaliiffigineqartartunut atunngitsuukkanut sippuinernulluunniit nuutitsinissaq qinnuteqatigineqanngilaq, ingerlatsinermut immikkoortunit Sunngiffimmi immikkoortunit suliassanerorpasimmata atunngitsuukkanik sippuinernilluunniit nuutitsinissamik qinnuteqartoqanngilaq.

Sanaartukkani naammassereersuni atunngitsuukkanik nuutitsinissamik sippuinissamilluunniit qinnuteqartoqanngilaq.

Atuilluartuunissakkut kingunerisinnaasai

Kingunissaqanngilaq, sanaartukkat aallartisarneqareersut naammassineqarnissaanut aningaasaliissutit nuunneqarnissaat pisariaqarpoq.

Aningaasaqarnikkut allaffissornikkullu kingunerisinnaasai

Sanaartukkanut isumaqatigiissuteqarfioreersunut naammassinninnissamut kommuni pisussaaffeqarpoq.

Suliassanut suli sanaartornissamut entreprenørinut isumaqatigiissuteqarfiunngitsut sanaartorneqarnissaat pisariaarussimasutut nalilerneqarsimappata, sanaartugassat maannakkut unitsiinnarneqarsinnaapput.

Suliniutini taakkunani unitsinneqarsinnaasut "aallartisarneqarput"-mi allassimapput.

Sanaartukkanut entreprenørinut akiliuteqarfigereersimasanut kiisalu ukiup ataatsip ingerlanerani amigaataasut naammassineqarsimappata, sanaartornermut naatsorsuutit suliarineqassapput.

Allaffeqarfiup naliliinera

Suliani entreprenørinut aallartereersimasaanni aningaasaliissutinik nuutitsinissamut pisariaqartitsinermut, ilaatigut siunnersuisartut / entreprenørinut kinguaattoorsimanerat, ilaatigut siusinnerusukkut ukiumi missingersuusiorfiusumi entreprenørinut suliarisinnaasaannit aningaasat immikkoortinneqartut amerlanerunerannik patsiseqarpoq. Ukioq mannami 2020-mi Corona pillugu killilersuineq nalinginnaasumillu ullutsinni sanaartorfiusorujussuarmi entreprenørinut ilinniarsimasunik sulisussarsiniarnerat ajornakusoorfiusimavoq, taamaattumillu suliassat ilarpasuinut kinguaattorfiusimalluni.

Sanaartornermut aningaasaliissutini sippuinerni, ukioq maannamut missingersuusiornermi annikinnerusoq ukioq mannaluk annertunerusoq naammassineqarnissaanut naatsorsuutigineqarsimagaluartut, taamaattorli ukioq kingullerli naammassineqarsimanerat/akilerneqarsimanerat patsisaavoq. Nuutsineq sinneqartoorutitut nuutsinertut ingerlanneqassaaq.

Suliassat ilaat ataatsimut atuiffimiik aalajangersimasunut atuiffinnut suli nuutsisoqanngilaq, tamanna "agguanneqassapput imal. suliniutinut 500xxx-miit ilanngaatigineqassapput"-tut allassimavoq. Atuiffiit ilaanni nuutitsinerit 2020-mi AA-mit akuerineqarsimasut ERP-systemimut ikkunneqarnikuunngitsut, suliniutip normuini tulleriiaarlugit allattorsimapput.

ERP-systemi nutaaq malillugu sanaartugassani suliniutit normui malillugit tulleriiaarlugit allattorsimapput. Immikkoortortaqaarfimmi ERP-systemimi atuiffiit allattorsimaffianni immikkoortukkaat amigangaatsiarput, siunertanut, suunerinut suliniutinullu fakturat ilaat suliassap normuanut ataatsimut naatsorsuutinut ilanngunneqarsimapput, taamaalilluni suliniumut ataatsimut titarnerit arlaqartut atorneqarlutik. Immikkootualukkaanut toqqagassat ilanngarneqarsinnaanerit isumaliutigineqarsinnaavoq, taamaalilluni missingersuutit anillatsinnerani titarnerit ikinnerulerlutik, paasiuminarnerunissaanut suliassap normuanut titarneq ataasiinnangorlugi.

Suliassat sanaartugassanut ukiumut aningaasaliissutitallit ingerlatsinermut missingersuutinut nuunneqarnissaat aamma eqqarsaatigineqarsinnaavoq, taamaaliornikkut sanaartugassanut missingersuutit paasiuminarnerulersillugit.

Suliassap normuisa ilaasa ataanni immikkut normulersugaapput, soorlu 001-mi agguataarinermi suliassat arlaqartut suliassap normuaniinneri, ajoraluartumik tamanna paasiuminarsaanerunani kukkusumik konteeriinissamat qaninneruvoq. Suliassanut normut taakku immikkut paatsuugassaannngitsumik suliassap normulerlugit nuunneqarnissaat eqqarsaatigineqarsinnaavoq.

Suliniutit normuisa ilaanni aningaasaliissutit nuunneqartut suliniutit normuini ataasiakkaani atunngitsuukkat sippuilluniluunniit atukkat aningaasartarivaat.

2020-mut sanaartugassanut ilanngaasereerlugit aningaasat atunngitsuukkat 254.625.805 koruuniupput, ilanngaasereerlugilli nuutsinissamik taamaallaat 240.492.868 koruunik nuutsinissaq qinnuteqaatigineqarluni, tassani sanaartukkani naammassereersuni sinneruttunik nuutsinissamik qinnuteqaateqartoqanngilaq, aningaasaliissutinilu ilanngaasereerlugit sinneruttut katillugit 14.132.937 mio. koruunit karsimut utertittussaallutik.

#### Teknikkimut Avatangiisinullu ingerlatsiviup innersuussutaa

Teknikkimut Avatangiisinullu immikkoortortamit innersuussutigineqarpoq:

Teknikkeqarnermut ataatsimiititaliap, 2020-imut missingersuutinit sanaartornermut aningaasaliissutit katillugit 240.492.868 koruunit 2021-imut missingersuutinut nuunneqassasut, nuutsinerillu ilanngussaq 1-imi tulleriiaarsimani malillugit, sanaartornermut suliniutinut atuiffinnut ataasiakkaanut agguataarlugit nuutsinissaq, aningaasaqarnermut ataatsimiititaliamut innersuussutigissagaa.

#### Aalajangiineq:

Akuersissutigineqarpoq.

Ilanngussaq 1: Eqitsit PBI20, 2020-imit 2021-imut sanaartornermut aningaasaliissutinik atorneqanngitsunik (imal. sippuineq) nuutsinissamat atuiffik aningaasallu annertussusaat.

*Teknikkeqarnermut ataatsimiititaliap juli-p 28-ni 2021 ileqqusumik ataatsimiinnerata 05/2021  
imaqarniliornera*

#### **Imm 4.1 Maniitsumi qaartiterutissaasivimmud aqquserngup Sarfat tungaanut tallinissaanut siunnersuut**

*Journal nr. ERP suliniut 500181*

##### Tunuliaqutaq.

Teknikkeqarnermut Avatangiisinullu immikkoortorta q Maniitsumi Sarfani majuartaateqarfiup tungaanut aqqusinniornissamut allakkamik siunnersuummik siusinnerusukkut (18.03.2020) tigusaqarnikuuvoq (tak. ilanngussaq 1). Allakkani ilaatigut qaartiterutissaasivimmiit Sarfanut aqquserngup tallineqarnissaa siunnersuutigineqarpoq.

Siunnersuut Teknikkeqarnermut Ataatsimiititaliap ataatsimiinnerisa ilaanni oqaluuserisassanngortinneqarnikuuvoq, ilanngussaq 8-milu takuneqarsinnaalluni. Immikkoortoq maannakkut majuartaammud suliniummut, assigiinngitsut peqqutigalugit ingerlanneqarsinnaanngitsumut attuumassuteqarpoq.

Immikkoortoq aammattaaq Maniitsumi qamussuarnut nutaanut, imeqarfiup killeqarfia avaaqqallugu Sarfani majuartaateqarfimmud pitsaanerusumik appakaaffissanut pissutsinik pitsaanerusunik pinngitsuuisinnaanngitsoq pillugu 2022-mi missingersuutinu ataatsimiititaliap missingersuutini kissaatini nutaanerpaanut aamma attuumassuteqarpoq. Taamatuttaaq aqquserngup tallineratigut sumiiffiit nutaat ilaatigut siunissami iliveqarfittut atorneqarsinnaasut tikiinneqarsinnaalissapput.

2020-imi aggustip qulingani allaffeqarfimmiit ilisimatitsissut ataatsinmiititaliamit tusaatissatut tiguneqarpoq, ilatigut pissutsit tullinguuttut pillugit:

- Sarfat tungaanut nutaamik aqusinniortoqarnissaa kissaatigineqarpat, qaartiterutissaasiviup inissiffianik allamik imaluunniit aqqusinernut tamanut atugassianut illunullu inatsisikkut ungasissusissatut piunasaqaataasoq pissutigalugu aqquserngup ingerlaarfiata allanngortinneqarnissaa ilangullugu, kommunip pilersaarusiortifigineqarnerani tapiliussassamik nutaamik suliaqartoqartariaqartoq.
- Aqquserngup attaveqataasup kommunip pilersaarusiortifigineqarnerani tapiliussami inissinneqaruni, taamanikkussamut allamut inissiivissaq aallaavigalugu akissaanut missiliuut suliarineqarsinnaavoq, tassanilu aamma nunamut pissutsit saniatigut ungasissusissamut tunngasut aamma apequtaassallutik.
- Maannakkut majuartaat pillugu suliniut nr. 500117, majuartaatiiornermi majuartaammud atortussanut sulisut aqutissaqannginnera pissutaalluni suliarineqarsinaanngimmat, missingersuutaqqaarut 1,8 mio. koruunit piareersimatikkallarneqarnikuupput.

Kingunerisaanik Apussuarni aqquserngup Sarfanut aqqummut tunngatillugu suliniummiit 2 mio. koruunit kommunalbestyrelsimit nuutsinneqarput, tamatumalu kingorna akinut missiliuutitalimmik aqquserngup ingerlavissaanut siunersortaalluni suliffeqarfimmik marlunnik siunnersuusiornikuuvoq.

Minnerunngitsumik entreprenøri ataaseq suliniutip aningaasartaanut pitsaanerusumik tulluarnerusumik, aqquseineq ingerlaarfissatut suliarineqarnissaani akimut missiliuummik tunniussaqaarnikuuvoq.

##### Maleruagassatut tunngavissat

- Aqqusinernik pilersitsineq-, annertusaaneq taakkunanngalu pitsanngorsaaneq Kommunip suliassaqaarfigivaa.
- Qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersoq, qaartiterutaasivimmud attuumassuteqartoq.

- Maniitsup Kommuniani 1993-2004-mut kommunip pilersaaruserfigineqarneranut tapiliusseq nr. 7, qaartiterutaasivimmut aqut pillugu imaqartoq.
- Kommunip pilersaaruserfigineqarneranut tapiliussatut immikkoortup ilaanut 700-D1, ilaatigut Sarfani sisorartarfiup eqqaanik imaqartoq.

#### Pissutsit atuuttut

Sarfani majuartaateqarfimmud tigussaasut arlallit aamma missingersuutitigut pissutsit pissutaallutik sulii aallartisarneqartumut Sarfat tungaanut aqqusineramik appakaaffissaaqarnissaq pillugu kissaat illugu innuttaasumit saaffiginnissut attuumassteqarpoq, kisianni aammattaaq qaartiterutissaasivissamut ukiut arlallit ingerlerani suliarineqartumut aqqusinermut appakaaffissamut attuumassuteqarpoq.

Sarfati Maniitsup avannaatungaani aalajangersimasumik illoqarfimmud aqquteqarani inissisimavoq, ukiukkullu qamuterallannik qaqqat akulloqqullugit aatsaat tikitassaalluni. Ukiukkut Sarfanut aqutit marluupput, Ungusivikkut (qaartiterutissaasiviup inissisimaviata tungaatigut) appaalu Ujaqerivikkut. Siullermut tunngatillugu sivinganeqarpallaarnera pillugu ikaarfissap amitsup aputeqarpallaartarnerani, ukiup annersaani aqutigineqarsinnaanani. Ungusivik aqutigalugu Sarfanut aqut imeqarfiup killeqafiata avataatigut aqquqtilerineqarsinnaavoq, aammali isumannaatsumik ungasissusissamut piumasaqaatit, kommunillu pilersaaruserfigineqarnerani tapiliussatut inissittariaqamat maannakkut siunnersuutaasutut qaartiterutissaasivik allamut nuunneqaqqaartinnagu aqquqtilerineqarsinnaanani.

Qaartiterutissaasivik tassungalu aqut kommunip pilersaaruserfigineqarnerani tapiliusseq nr. 7-miippoq, qaartiterutissaasiviulli maannakkut inissisimaffianiit aqqusinnioqqinnissaanut periarfissaqarani.

Kommunip pilersaaruserfigineqarnerani tapiliussami immikkoortut ilaat 700-D1 aallaavittut sanaartorfiunngitsortaa sunngiffimmud siunertalinnut atorluarneqarsinnaavoq, taamaattorli sumiiffik sunngiffimmi siunertanut tapertaasumik sanaartukkanut annikitsunut atorneqarsinnaalluni. Sumiiffimmi tamaani qooqut ilaatigut sioqqanik qallersorneqarsinnaapput iliveqarfissatullu atorneqarsinnaallutik.

Qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersoq sanaartukkanut aammalu inuit aqquqtaannut ungasissusissamut killigititaqarpoq, nalunaarusiami ilanngussaq 3-mi allattorsimapput. Qaartiterutissaasiviup inuit aqquqtaanut ungasissusia, immineq qaartiterutissaasiviup tungaanuunngitsoq miinnerpaamik 70-175 meteriussaq, qaartiterutissaasivimmi qaartiterutit annertussusaat apeqquqtaalluni. Tamassuma saniatigut illumiit qaninnermiit ungasissusissaq minnerpaamik 400-960 meterinik ungasissusilimmi inissisimatinneqassalluni, tassani aamma apeqquqtaalluni qaartiterutissat annertususaat.

Maannakkut sumiiffiup illoqarfimmud qaninnerunera pillugu Ujaqerivik aqqusaarlugu imeqarfikkut aqut sisorartunit aqutigineqarnerpaajuvoq. Tassa ukiuni qulikkaani sisorartartut inuillu allat Ujaqerivimmiit qamuterallannik Sarfanut ingerlanneqartarput, qamuterallannik ingerlavissaq 2,8 kilometeriulluni. Ingerlaarneq imeqarfiup killeqarfiatigut imeqarfikkullu pisarpoq. Qamussuit sisorartarfiup manissarneranut kisimi atorneqartarput. Sikup qaavatigut ingerlanissamut 70 cm-mik sikup issussuseqarnissaa piumasaqaataavoq, tamannalu qamussuit ingerlasarnissanut kinguarsaataavoq, maannakkulli Ungusivimmiit aqut atorneqarsinnaanngilaq.

Maannakkut qaartiterutissaasiviup umiatsianullu inissiiviup inissisimavissaatut piukkuneqartoq 2016-mi sioqqanik aqqusiugaavoq, tamaani aqut kittaarlugu ujaqqanik- sanaartornermilu atortukunik qallersorlugu talliaruaartinneqarnikuulluni (takuuk ilanngussaq 2).



Ataatsimiititaliap 2021-mut missingersuutitut kissaatinik suliaqarnerani, Maniitsumi majuartaammut suliniut assigiinnigitsunik aammalu missingersuutitigut pissutsit pillugit unitsikkallarneqarnikuusooq ilisimatitsissutigineqarpoq. Suliap ingerlanneqarnissaanut qillerutissat umiarsuaq atorlugu majuartaammut assartorneqarnikuugaluarput, kisianni nunap ilusaa pissutaalluni sissamiit majuartaateqarfimmut assartorneqarsinnaasimanatik. Tamanna pissutaalluni majuartaammut suliniut aqqusineq appakaaffisaq pilerseqqartinnagu atortussalluunniit qulimiguulimmik assartoqqaartinnagit aallartinneqarsinaasimanani. Kingullertulli taaneqartoq imeqarfiup killeqarfiatiata avataatigut sisorartarfiup tungaanut qamussuit ingerlasinnaanissaannut kissaatigineqartumut sunniuteqarnaviannigilaq, Sarfallu sisorarfiusarnerata sivilunerungaatsialersinnaanera nalilerneqarpoq.

#### Atuilluartuunissakkut kingunerisinnaasai

Sunngiffimmi atugassarititaasunik kommunillu pilersaarusiorfigineqarnerani illoqarfimmi atugassarititaasunut assigiinnigitsunut inissaqartitsineq kiisalu imeqarfiup killeqarfiatigut angallannermut ilaatigullu mingutitsinermut minnerpaaffimmiitsineq atuilluartuuneruvoq.

#### Aningaasaqarnikkut allaffissornikkullu kingunerisinnaasai

Sarfanut aqqusineq aamma qaartiterutissaasiviup inissisimaffissaa suliniutinit ukunganna aningaasalersorneqassaaq:

1. "Sanaartorfissagissaaneq – Inuussutissarsiorfik – Maniitsoq", suliniut nr. 500067 ERP-systemimilu ukioq manna 2021-mi 3,8 mio. koruuninik missingersuutitaqartoq.
2. "Illoqarfiup nutaartanut aqqusineq – Maniitsoq", suliniut nr. 500265 ERP-systemimilu ukioq manna 2021-mi 2 mio koruuninik missingersuutitaqartoq.

Teknikkeqarnermut Avatangiisinullu immikkoortortaqaafiup Masanti A/S ilaatigut aqquserngit ingerlavissaanik assigiinnigitsunik marlunnik siunnersuummik atugassamik pilersaarusiortinnikuuvaa (takuuk ilanngussaq 5), uani akinut missingersuutitut ilimagisat 8.507.400 koruunit aamma 7.890.440 koruuniuvoq (takuuk ilanngussaq 6 aamma 7).

Tassa imaappoq, suliniummut aningaasanik naammattunik immikkoortitsisoqarnikuunngilaq, entreprenøreniilli paasissutissiissutigineqarluni, innaarsuup siusinnerusukku taaneqareersup tungaanut aqcutip annersaa missiliutaasumiit akikinnerusumik aqcutilerneqarsinnaasoq. Tamannalu piviusumik aqqusinnermut toqqavimmik aammalu aqqusinnermik ingerlatitseqqinneq pilersinneqassaaq aamma aqqusinnermut pioreersup ingerlavissaatut ittutut sanarfineqassalluni. Kisianni taamaaliornikkut ingerlatsinnermut aserfallatsaaliinermullu aningaasartuutit qaffasinnerusut naatsorsuutigineqassapput.

#### Allaffeqarfiup naliliinera

Maannakkut qillerinnermi pissutsit ajornartorsiutaasinnaasut Sarfat-llu eqqarsaatigalugu iliuuseqarfiginissaanut iliuusissanut attuumassuteqartut kiisalu qartiterutissaasiviup nuunneqarnissaa, Sarfat tungaanut aqqusinnioqqinnikkut aqqinneqarsinnaapput. Missingersuutitigut kiisalu qaqqap nunataanut appakaaffissanullu tunngatillugu aqquserngup qaqqakkut ingerlaarfilernissaa naleqqunnerpaatut nalilerneqarpoq (takuuk ilanngussaq 5 aquserngup ingerlaaffia 2) Aammattaaq nalilerneqarpoq, aqquserngup ingerlavianik sanaartorneq ingerlaannartoq, siunissami qaartiterutissaasivimmik inissiinissamut aammalu majuartaateqarfiup eqqaani innaarsuup sivingasup

tungaanut pilersinneqartariaqartoq, aqqusinermik sioraasumik siusinneusukkut suliarineqarnikuusumik sanarfineqarnera assigalugu, tamannalu malunnaatilimmik akikinnerussasoq nalilernerqarpoq. Aqquserngup tallilernera sumiiffinnut nutaanut periarfissiissaaq, ilaatigut siunissami iliveqarfissatut atorneqarsinnaasutut. Iiveqarfissamut aningaasartuutissat uani suliniummut ilaatinneqanngillat, illuatungaagullu suliniut una taamanikkussamut iliveqarfissamut aningaasatigut akikillisaataassaaq. Soorluttaaq aamma iliveqarfissap inissisimaffissaa kommunip pilersaaruseriorfigineqarnerani tapiliussami qulakkeerneqarsinnaalluni.

Kommunip pilersaaruseriorfigineqarnerani tapiliussaq nr. 7 maannamut atuuttoq qaartiterutissaasivimmumt tassungalugu aqqummut kisimi atuuppoq, maannakkullu qaartiterutissaasiviup inissisimavianiit Sarfat tungaanut kiisalu iliveqarfissamut aqqusinniornissamut periarfissiinngilaq.

Taamaammatt sumiiffit ilaanni killilersuutit allanngortittariaqarput: Kommunip pilersaaruseriorfigineqarnerani tapiliussamik nutaamik suliaqarnikkut 700-D1, 700-E7, 700-E8 kiisalu 700-B12.

### **Innersuussut**

Teknikkeqarnermut aningaasaqarnermullu ataatsimiititaliamut innersuussutigineqarpoq:

- Teknikkeqarnermut aqquserngup ingerlaviup nr. 2 tak. ilanngussaq 5 kiisalu qaartiterutissaasivimmik inissiinermik tulluarsaanissamut kommunip pilersaaruseriorfigineqarnerani tapiliussamik nutaamik suliaqartoqarnissaa pillugu aningaasaqarnermut ataatsimiititaliaq qinnuigineqassasoq. Kommunip pilersaaruseriorfigineqarnerani tapiliussaq suliarineqassasoq, taamaalillluni taanna minnerpaamik Sarfanut aqquserngup ingerlavia nr. 2 aammalu siunissami iliveqarfissamut inissaq naammassineqarluni.
- Projekt 500265-imiit projekt 500067-imut 2 mill. Kr nuunneqassasut
- "aningaasaqarnikkut allaffissornikkullu kingunissai"-ta ataani katillugit 5,8 mio. koruunini missingersuutini qulaaniittut iluanni sulinermi aqqusinissamik sanaartornissaq pillugu entreprenørinermik isumaqatiginninniarnissamik isumaqatigiissuteqarnissamillu allaffeqarfik pisinnaatinneqassasoq. Nuutsinernut atuiffinnut nodetalinik eqitsineq ilanngussaq 9-uvoq.
- Nalinginnaasumik aqqusinertuulli pitsaatigisumik sulinermi aqqusiornissaq aallaqqaammumt pitsaasuseqannginnissaat pillugu paasisutissiissut paasisutissiissutitugit tiguneqassasoq.
- Kommunip pilersaaruseriorfigineqarnerani tapiliussaq nutaaq akuersissugineqareerpat, sulinermi aqqusinniornissap aatsaat ingerlanneqarnissaa pillugu paasisutissiissut paasisutissiissutitugit tiguneqassasoq.
- Sulinermi aqqusinermik pilersitsereernerup kingorna aatsaat majuartaat nutaaq pillugu suliniummik pioreersumik ingerlatsioqarsinnaanera pillugu paasisutissiissut paasisutissiissutitugit tiguneqassasoq.

### **Aalajangiineq**

Akuersissutigineqarput.

### **Ilanngussat**

1. Ukioq kaajallallugu Sarfani majuartaammik tikikkuminarsaaneq pillugu siunnersuut.
2. Sarfat - Pilersaarummut takussutissiaq

3. 1993-imiit 2004-mut Maniitsup Komminianut Kommunip pilersaarusingineqarneranut tapiliussaq nr. 7.
4. Immikkoortup ilaanut 700-D1-mut kommunip pilersaarusingineqarnerani tapiliussaq
5. Pilersaarummut takussutissiaq-Ortofoto
6. Aqqusineq 1-mut missiliuut C
7. Aqqusineq 2-mut missiliuut C
8. Sarfanut aqqusineq pillugu siusinnerusukkut TA-mit aalajangiussaasimasoq.
9. ERP nuutsinissamut immersugassaq atuiffiup XL-ark-itut taaguutitalerlugu

## **Imm. 4.2      Ungusiviup qaavani aqquuserngit aqqi**

*Journalnr. 00.25.02*

### Tunuliaqutaq

Ungusiviup qaavani aqquuserngit atserorneqartussaapput. Tassunga atatillugu februar/marts 2021-mi Pilersaarusiornermut immikkoortortaq Qeqqata Kommuniata Facebookkiatigut aamma Nipi Avisi aqqusigalugit Maniitsumi innuttaasunit siunnersuutiniq pissarsiniarnikuuvoq.

### Maleruagassatigut tunngavissat

Aningaasaqarnermut Nunamullu Namminermut ministeriaqarfik: Kalaallit Nunaannut aqquusernit atiiniq qitiusumik nalunaarsuiffimmit (CPR) Kalaallit Nunaanut nalunaarut. Suliap mormua 2018-473, Allak. normua 543153, Ulloq 27-09-2018.

### Pissutsit atuuttut

Nunap assingani ilanngussaq 1-imi takuneqarsinnaasutut, Ungusiviup qaavani aqquuserngit tallimaasut atserneqarnissaat amigaataavoq. Siunnersuutit tiguneqartut ilanngussaq 2-tut ilanngunneqarput.

### Atuilluartuunissakkut kingunerisinaasai

Soqanngilaq.

### Aningaasaqarnikkut allaffissornikkullu kingunerisinaasai

Soqanngilaq.

### Allaffeqarfiup naliliinera

Maniitsumi TAI-ip innersuussutigaa siunnersuuteqartut ilaannit siunnersuutigineqartoq ullorissanut "Asaluusat"-nut assingunera aallaavigalugu ullorissat taaguutaannik aqquuserngit tullinnguuttuni ima ateqalissasut:

Vej 1: **Asaluusat** (Karlsvognen)

Vej 2: **Siattut** (Orions bælte)

Vej 3: **Qaasiut** / **Ullup Malittaa** / **Malittaa** (planeten Venus)

Vej 4: **Qiluttuusat** (Syvstjernen)

Vej 5: **Aassuutit** (Altair aamma Tarazed)

### Innersuussut

Pilersaarusiornermut immikkoortortap Teknikkeqarnermut Avatangiisinullu ataatsimiititaliamit kingusinnerusukkullu Kommunalbestyrelsimit aalajangigassanngorlugu innersuussutigivaa, aqquuserngit atiisa sorliit Ungusivimmi sumiiffinnut taaguutaasanersut.

### Aalajangiineq

TA KB-mi isummerfigisassanngorlugu innersuussutigivaa:

- immikkoortoq tamarmiusoq 'Ungusiviup qaava'-nik ateqartinneqassasoq, imaluunniit;

- immikkoortumi (Aqqusineq 1) nassuiaatigineqartumik immikkoortoq ilisarsnaaserlugu

siunnersuut "Asaluusat" (Karlsvognen) malillugu ullorissat sammisaralugit aqquuserngit atserneqassasut, kiisalu aqqusineqqat tllinnguuttut:

- Aqqusineq 1: **Asaluusat** (Karlsvognen)
- Aqqusineq 2: **Siattut** (Orions bælte)
- Aqqusineq 3: **Qaasiut / Ullup Malittaa / Malittaa** (planeten Venus)
- Aqqusineq 4: **Qiluttuusat** (Syvstjernen)
- Aqqusineq 5: **Aassuutit** (Altair og Tarazed)

#### imaluunniit

- Utoqqaat illuannit Neriusaamit siunnersuutit malillugit aqquserngit atserneqassasut
  - Aqqusineq 1: **Asaluusat**, Nunap assingani aqqusinermik nalunaaqqanera aappalaartuusooq ullorissanut Karlsvognen assingummat.
  - Aqqusineq 2: **Qattuneralak**
  - Aqqusineq 3: **Qaava**
  - Aqqusineq 5: **Iliveqarfiup Qaqqaa**

#### Ilangussat

Ilangussaq 1. Aqquserngit pillugit nunap assinga

Ilangussaq 2. Siunnersuutit tiguneqarnikut

### **Imm. 4.3 Inuusuttunut inissiat, Atammik**

*Journalnr. 06.03.01, Suliniut 500005-002.*

#### Tunuliaqutaq

Kommunip suliniummut 500005-002 2021-mut missingersuutini 2.698.750 koruunit immikkoortinnikuuai ima taaguuserlugu Atammimmi Inuusuttunut inissiat. 2020-mi missingersuutinit aningaasat pineqartut amerlaqataat nuutsinneqarput (ataatsimiinnermut tassunga oqaluuserisassaq takuuk), taamaalilluni aningaasaliissutaasut sinaakkutit katillugit 5.397.500 koruuniullutik. Nunaqarfimmi Aqutsisut Atammik-Napassoq kissaatit nassiuppaat, inuusuttunut illu 81m2 Panbo sanaartorneqassasq, ilangussaq 1.

#### Maleruagassatut tunngavissat

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

#### Pissutsit atuuttut

Ini ilisimatitsivoq, ilaqutariit marluk Atammimmi najugaqartut utaqqsut allattorsimaffianniittut. Atammik ilisimatitsivoq, najugaqarfinnut mikinernut arfinillit qinnuteqarsimasut, taakkulu ilaqutariit marluk meeraqarlutik.

Atammik siunnersuuteqarpoq, kommunip illu affarleriiutaata B-1392 2014-meersup kitaani illut inissinneqassasut, takuuk ilanngussaq 2.

Nunaqarfimmi illunik suussutissinik sisamanik sanaartornissamut pilersaarusionermi atortussamik pigisaqartoqarpoq.

#### Suliniutit.

Illorput 2000 sisamanik initalik, type 4 angissuseqartoq 104m<sup>2</sup>, takuuk ilanngussaq 3,  
Illorput 2100 pingasunik initalik, type V2 angissuseqartoq 91m<sup>2</sup>, takuuk ilanngussaq 4,  
Panbo type 1, pingasunik initalik, angissuseqartoq 81m<sup>2</sup>, takuuk ilanngussaq 5,  
Qarsoq inuusuttunut inissiat, ataatsimik initalik, angissuseqartoq 44m<sup>2</sup>, takuuk ilanngussaq 6.

Namminersorlutik Oqartussat mittarfissuarnik angisuunik marlunnik sanaartornermik aallartitsinikummata sanaartortut maannakkut ulapputorujussuummata, maannakkut nunaqarfinni sanaartornermut akit m<sup>2</sup>-mut 36.000 - 40.000 koruuninik annertussuseqarput. Taamaammatt aningaasat immikkoortinneqartut 5,4 mio koruunit ukununga naammassapput:

A type Illorput 2000 ataaseq,

B type Illorput 2100 ataaseq,

C Panbo 81m<sup>2</sup>-mik angitigisoq ataaseq imaluunniit marluk (entreprenøri appassissumik neqeroorusiorpat marluussapput) imaluunniit

D Qarsoq inuusuttunut inissiat pingasut, 44m<sup>2</sup>-it.

C toqqarneqarpat, entreprenørimut illu ataaseq suliariumannittussarsiuunneqassaaq + illut marluusinnaanissaanik periarfissiilluni, kingorna suliariumannittussarsiuussinerup takutikkumaarpaa missingersuutit iluanni illu ataaseq marlulluunniit sanaartorneqarsinnaanersut.

Inissiiffissatut siunnersuutaasumi eqqaamiorisanit ikuallattooratarsinnaanermut ungasissusissamit illunik sanaartornissamut aamma immikkoortoq A1-imi inissianut siunertalinnut immikkoortitaasumi inissaqarpoq.

Atuilluartuunissakkut kingunerisinnaasai

Nunaqarfinnut inissarsiortunut kommunip illuliortitsinera atuilluartuuneruvoq, namminneq illuliornissamut kreditforening aqputigalugu taarsigassarsinnaanngimmata. Kommunip illuutaasa akii inissarsiortut qaammammusiaanut naleqqiullugit qaffasippallaarlutik imaluunniit nunaqarfimmuut inissarsiortoqannginnera peqqutaalluni, attartorsinnaasut inoqanngitsunut akilersuineq atuilluartuunngilaq.

Aningaasaqarnikkut allaffissornikkullu kingunerisinnaasai

Suliamut sanaartornissamut pilersaarummik pigisaqartoqanngilaq. Taamaammat ataatsimiititaliap peqquneqarpoq illu sanaartugassamik toqqaaqqullugu, A, B, C imaluunniit D.

Ini malillugu qaammammut illumut akit illu suunera malillugu ima akeqassangatinneqarput:

Illorput 104m<sup>2</sup>, qaammammut 8.557 koruunit,

Illorput 2100 91m<sup>2</sup>, qaammammut 7.539 koruunit,

Panbo Type1 81m<sup>2</sup>, qaammammut 6.755 koruunit,

Qarsoq 1-rum 44m<sup>2</sup>, qaammammut 5.121 koruunit.

Najugaqartut ineqarnermut tapiissutinik qinnuteqarsinnaassapput. Illu pingasut-sisamanik initallit toqqarneqarpat, taava inuusuttut najugaqatigiissinnaapput qaammammut akiliut najugaqatigiiffittut akileeqatigiiffisarlugu.

Kommunimut aningaasaliissutigisaanit ernianit iluanaarutit illu anginermut ukiumut 19.000 koruunit missaaniissaaq aamma illut mikinernut immikkut 7.800 koruunit missaaniissalluni.

Illup type-anut tulluarsaalluni suliniut aallartinneqassaaq, ukiorlu manna sanaartornissamut akuersissut sanaartornissamut malittarisassap ulloq 1.1.2022 atuutilissangatinneqartup atuutilinnginnerani piniarneqassaaq, illut type-annik sanaartornissamut tulluarsaatitsillunilu akisunerutitsisussaammat.

Allaffeqarfiup naliliinera

Sanaartornernut minnernut suliassat immikkuualuttut pisariaqanngillat akisutitsillutillu. Nunaqarfinni suliassat annikinnerit entreprenørp ataatsip akisussaaffigisaanik immikkoortoq ataasinngorlugu suliarineqarpoq, taakkulu entreprenørinut allanut ataqatigiissaarisuussallutik.

Inissisimaffik kissaatigineqartoq nunaqarfiup qeqqaniippoq, ukioq kaajallallugu imermut

attavilersinnissamut, tassunngali pilersuinermit aqput takisooq atortariaqassaaq. Illumut appakaaffimik majuartarfiusumik takisuumik sananissaaq pisariaqassaaq, tamannalu sanaartornermut akisutitsisinnaavoq. Sanaartorfissaaq aqqusinermit qaninneq eqqarsaatigineqarnikuuvoq, sanaartornermulli pilersaarummi C2-mi illuliorfissatut pilersaarutaanngitsumiilluni, ikuallattuulernermilu ungasissuseq illu type mikinermut taamaallaat naammassalluni.

Illut type A-C entreprenørp misilittagaqarfigisaat siusinnerusukkat sanaartorneqarnikuupput. Type D illu nutaajuvoq Namminersorlutik Oqartussanit ineriartortinneqartoq, taannalu siusinnerusukkat Qeqqata kommuniani sanaartorneqarnikuunngilaq.

Teknikkimut Avatangiisinullu ingerlatsiviup innersuussutaa

Teknikkimut Avatangiisinullu immikkoortortamit innersuussutigineqarpoq:

Teknikkeqarnermut ataatsimiititaliaq illu type qassillu sananeqassanersut aalajangissasoq, A, B, C imaluunniit D.

Tulluarsaalluni suliniuteqarneq Atammiup inissisimaffissatut siunnersuutaa malillugu aallartisarneqassasoq entreprenørimumullu ataatsimut suliassanngorlugu suliariumannittussarsiuunneqassasoq.

### **Aalajangiineq**

Akuersissutigineqarpoq. TA aalajangiivoq, illu type D neqeroorutigineqassasoq.

#### **Ilangussat**

- |               |   |
|---------------|---|
| Ilangussaq 1: | Atammimiit sanaartornissamut kissaatit.                                   |
| Ilangussaq 2: | Atammimiit sumiiffissamut siunnersuutit                                   |
| Ilangussaq 3: | Illorput 2000 type 4, sisamanik initalik 104m <sup>2</sup> .              |
| Ilangussaq 4: | Illorput 2100 type V2, pingasunik initalik 91m <sup>2</sup> .             |
| Ilangussaq 5: | Panbo type 1, pingasunik initalik 81m <sup>2</sup> .                      |
| Ilangussaq 6: | Qarsoq type inuusuttunut inissiaq, ataatsimik initalik 44m <sup>2</sup> . |



#### **Imm. 4.4 DTU aamma Qeqqata Kommuniata akornanni suleqatigiinneratigut oqquilluni unnuisarfinnik sanaartorneq**

*Journalnr. 16.09*

##### Tunuliaqutaq

Qeqqata Kommunian suleqatigalugu Sisimiut eqqaani qaqqani oqquilluni unnuisarfinnik tamanik atornerqarsinnaasunik sanaartornissaq kissaatigalugu, DTU Artek-imit Teknikkeqarnermut Avatangiisinullu immikkoortortaq saaffiginnissummik tigusaqarnikuuvoq.

##### Maleruagassatut tunngavissat

Sisimiut eqqaani imeqarfiup killeqarfilerneqarneranut immikkut ittummik maleruagassat pillugit Namminersorlutik Oqartussat nalunaarutaat normu 9 ulloq aprili 30-iat 2015-imeersoq Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq. Imissaq pillugu kapitali 6.

Assartuutit motorinik ingerlatillit atornerqarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq.

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq. Pinnngortitamik illersuineq pillugu Inatsisartut inatsisaat nr. 29, 18. december 2003-meersoq.

##### Pissutsit atuuttut

Sisimiuni inissisimasumi ilinniartitaanermut immikkoortortaqarfimminnut DTU ukiut tamaasa ilinniartunik nutaanik pissarsisarpoq. Tassunga atatillugu ukiut tamaasa sanaartorneq suliniutitut taallugu ilinniartunut nutaanut ilisareqatigiinnermik suliniuteqartarput. Siunissami ukiunut amerlasuunut pilersaarusiornissamat, Sisimiut eqqaani qaqqani inissinneqartussanik Qeqqata Kommunian suleqatigalugu illuaqqanik oqquisarfinnik nutaanik arlalinnik sanaartortoqarnissaa DTU Artek kissaatigivaa. DTU Artek kissaatigivaa, illuaqqat oqquisarfiit sanaartorneqareernerisa kingorna tamanut atugassiannngorlugit Qeqqata Kommunianut tunniunneqassat. Kommunimik taamatut suleqateqarnikkut, kommunip innuttai annertunerusumik piginneqataanermik misiginnilernissaanut tunngavissamik pilersitsisoqassaaq, illuaqqanik oqquisarfinnik atuilluarnermik malitseqarluarsinnaasumik sumiiffimmilu eqiteruffiullutik.

Ukiut tamaasa marlunnilluunniit illuaqqanik oqquisarfinnik sanaartornissaq pillugu naatsorsuuteqarluni, illuaqqat oqquisarfiit minnerusut arfineq-marluk siunnersuutaapput. Inissisimaffiit illoqarfiup killeqarfiata iluani tamarmik inissisimapput. Inissisimaffissatut kissaatit ilaat arlallit nunatani maniitsorujussuarni imalunniit illoqarfimmit ungasissumi inissisimasumiipput, aasaanerani atortoqarani atortunik nammannissamik/kalitsinissamik periarfissaqarani. Taamaattumik ukiuunerani qamuterallannik illuaqqanut unnuisarfissanut atortussanik ingerlatsisarnissaq pillugu kissaateqartoqarpoq. Pilersaarutaasoq tassaavoq, inissisimaffissatut immikkoortitamut sanaartorneq atortunik assartuisarnissaq, tamatumalu kingorna sanaartorneq atortussat sumiiffimmi inissikkallarlugit, ilinniartunik aallartinissaannut atatillugu ukialernerata ingerlanerani sanaartorneqarnissaasa tungaanut. Illoqarfiup killeqarfiata iluaniippat aqquuserngit pilerseriikkat imeqarfiullu killeqarfiata avataani ukiukkut ingerlatsisarnissaq inatsisitigoortunngornissaanut ingerlanissamat aqquummik immikkoortitsisoqarsimassaaq.

Illuaqqat oqquisarfiit imeqarfiup killeqarfiata avataani sumiiffinni inissisimapput, tassunga angalanissamat aqquutinik immikkoortitsisoqarnikuunani, kisianni qamuterallaat atorlugit inissisimaffissatut kissaatinut sanaartorneq atortunik assartuussinissaq pisariaqartinneqarluni.

Imeqarfiup killeqarfiata avataani inissisimaffinnut tallimaasunut sanaartornermi atortussanik ukiuunerani assartuussinissamut, taamatut pisuni kommunalbestyrelsi immikkut akuersissuteqarsinnaavoq, taamaalilluni takuuk Assartuutit motorinik ingerlatillit atornerqarneri pillugit Namminersorlutik Oqartussat nalunaarutaat nr. 10, 10. oktober 2013, ukiuunerani qamuterallannik taakunnga sanaartornermut atortussanik assartuisoqarsinnaavoq.

Immikkut akuersissummik taamaattumik tunniussisoqarpat, DTU Artek-imut assesuutigalugu piumasaqaatigineqarsinnaavoq, assartuineq qaqugu aallartinnissaanik naammassineqarnissaanullu Teknikkeqarnermut Avatangiisinullu immikkoortortamut nalunaaruteqartoqarnissaanik. Taakku saniatigut ukiumut sumiiffimmuut ataatsimut marlunnulluunniit atortussanik taamaallaat ingerlatsisoqartassaaq, tamannalu isumaqarpoq, angallanneq killeqartoq pineqartoq.

Illuaqqat oqquisarfiit marluk imeqarfiup killeqarfiata iluani inissisimapput, kisianni pisuni marluusuni qamuterallannut aqutissani Namminersorlutik Oqartussanit akuerisaasunut atatillugu inissisimapput, takuuk Sisimiut eqqaanni imeqarfiup killeqarfilerneqarneranut immikkut ittumik maleruagassat pillugit Namminersorlutik Oqartussat nalunaarutaat normu 9 ulloq aprili 30-iat 2015-imeersoq. Takuuk avatangiisinik illersuineq pillugu inatsimmi §28 imm. 6, imeqarfiup killeqarfiata iluani illunik pilersitsisoqaaqusaanngilaq. Teknikkeqarnermut Avatangiisinullu immikkoortortap nalilinnngilaa, illuaqqat oqquisarfissatut sanaartorneqarusuttut illutut isineqarsinnaanerat. Teknikkeqarnermut Avatangiisinullu immikkoortortaq Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmi avatangiisinut oqartussaqaarfimmut saaffiginnissuteqarnikuuvoq aammalu illuaqqat oqquisarfiit marluusut sanaartorneqarsinnaanerat pillugu imaluunniit aalajaangarsakkamit immikkut akuersissuteqaammik piumasaqaateqassanersoq pillugu akissutisinissaq utaqqineqarluni. Illuaqqanik marluusunik taakkunannga sanaartornissamut Namminersorlutik Oqartussat immikkut akuerissuteqarpata, Qeqqata Kommunia nunaminertamik atugassiisnaavoq.

#### Atuilluartuunissakkut kingunerisinnaasai

Illuaqqanut oqquisarfinnut inissiinerit illoqarfimmut qanittumiipput, aammalu inissisimaffiit arlallit pisulluni aqputinut nalunaaqutsikkanut imaluunniit illoqarfimmi innuttaasut akulikitsumik angallaffigisartagaannut atatillugu inissisimapput. Taamaattumik sukisaarsaarfissatut periarfissanik nutaanik illoqarfimmi innuttaasunut tunniusseqataasinnaapput. Illuaqqat unnuisarfiit aammattaq takornarissanut Sisimiunut tikittunut tammaarsimaarfissatut periarfissanik nutaanik pilersitsisnaapput. Illuaqqat oqquisarfiit tammaarsimaarfissatut, anorimut silamullu oqquiffittut, unnuiffissat imaluunniit nunamiinnermi qasuersaarfittut atornerqarsinnaapput.

Qeqqata Kommuniata kommunalbestyrelsianut nutaamut isumaqatigiisummi politikkerit ukkatarivaat, sunngiffimmi sammisassat kulturikkullu aqqiisuussat nuannersumik pitsaasumillu inuuneqalernissamut tunisisuussasut. Taakku saniatigut isumaqatigiisumi tikkuarneqarpoq, suliniutit tamakkua meeqqat atuannngiffeqarfiini sammisassat ilanngullugit aammalu pinngortitamit aasakkut ukiukkullu atuinissamut periarfissat ilanngullugit atortutigullu annertusarneqarnissaat kissaatigineqartoq. Ilutigitillugu allassimavoq, eqqarsartaatsikkut peqqissuseq ilanngullugu, innuttaasut ilaqutariillu peqqinnarnerusumik inooriaaseqalernissaannut, pinngortitamik periarfissat atorluarneqassasut. Illuaqqanik unnuisarfinnik pilersitsineq tassuunakkut peqataassaaq.

#### Aningaasaqarnikkut allaffissornikkullu kingunerisinnaasai

Suliniummumut atatillugu aningaasartuutit tamanut DTU Artek akiliisuussaaq, tamanna ilaatigut atortussanut, assartuussinermut illuaqqanillu oqquisarfinnik sanaartornermut atuuppoq. Taamaattumik illuaqqanik unnuisarfinnik sanaartorneq kommunimut aningaasartuutaassanngilaq. Illuaqqanut unnuisarfinnut nunaminertamik atugassiineq allaffissornikkut suliarineqassaaq, aammalu illuaqqat

unnisarfiit naammassillugit sanaartorneqareerpata DTU Artek-imit Qeqqata Kommunanut tunniunneqassapput. Tamanna isumaqarpoq, siunissami ingutsinneqassappata kommunip suliassarissagaa. Illuaqqat unnisarfiit ajornaatsumik qisuut atorlugit sanaartorneqassapput, taamaattumik ingerlaavartumik aserfallatsaaliinissamut pisariaqartitsisoqarnissaa pillugu naatsorsuuteqartoqanngilaq.

#### Allaffeqarfiup naliliinera

Allaffeqarfik naliliivoq, Sisimiut eqqaanni nunatami illuaqqanik oqqisarfinnik nutaanik sanaartornissaq pillugu DTU Artek-imit suleqateqarnissaq Qeqqata Kommunanut pitsaasuussasoq. Allaffeqarfiup pitsaasutut aammattaaq nalilerpaa, illoqarfimmi eqiterunnermik piginneqataanermillu pilersitsinissamut kommuni piginnittuussasoq. Tassunga atatillugu allaffeqarfiup naliliinerivaattaaq, ukiuunerani qamuterallannik inissisimaffinnut sanaartorneqarnermut atortussanik ingerlatsisarnissamut immikkut akuersissuteqartoqarsinnaasoq. Teknikkeqarnermut Avatangiisinullu immikkoortorta qaloqatigalugu assartuussineq pissasoq, aamma assartuussineq qaqugu aallartinneqassanersoq naammassineqasannersorlu DTU Artek nalunaaruteqarnissaanik, aammalu Namminersorlutik Oqartussat qamuterallannut aqutissatut akuersisaata avataani imeqarfiup killeqafiata avataani ingerlasoqaquusaannginnera pillugu piumasaqaatitalerlugu immikkut akuersissut tunniunneqassasoq.

#### Innersuussut

Teknikkimut Avatangiisinullu immikkoortorta qarfiup Teknikkimut Avatangiisinullu ataatsimiititaliamit akuereqqullugu innersuussutigaa,

Sisimiuni ilinniarnissamut neqeroorutiminnut atatillugu imminut ilisareqatigiinnernut suliniutitut, Sisimiut eqqaani qaqqani illuaqqanik oqqisarfinnik minnerusunik sanaartornissaq pillugu DTU Artek aamma Qeqqata Kommunianut suleqatigiissasut

Illuaqqat oqqisarfiit naammassippata DTU Artek-ip Qeqqata Kommunanut tunniutissagai

Illuaqqanut oqqiuffissanut imeqarfiup killeqarfiata avataani inissisimasunut ukiuunerani qamuterallannik sanaartorneqarnermut atortunik ingerlatsisarnissamut DTU Artek immikkut akuersissuteqarfigineqassasoq

#### Aalajangiineq

Akuersissutigineqarput

#### Ilanngussat

Ilanngussaq 1, Illuaqqat oqqisarfissat inissisimaffissaattut siunnersuutitut nunap assinga

Ilanngussaq 2, Illuaqqanik oqqisarfinnik pioreersunik assit

#### **Imm. 4.5 Sisimiut Kangerlussuullu akornanni aqqusinnermut sioraasumut sanaartornermut pilersaarut**

*Journal nr. 6.03 ERP-mik suliniut 500156.*

##### Tunuliaqutaq

Suliaq Kangerlussuup Sisimiullu akornanni aqqusinnermut sioraasumut sanaartornissamut pilersaarummik akuersissuteqarnissamut tunngassuteqarpoq, taamaalilluni sanaartornissamut pilersaarummik tunngavilimmik kommunimit naatsorsuutigisat malillugit isumaqatigiissusiortoqareernerata kingorna, suliffeqarfinnut siunnersortitut pilersaarusiortunut neqeroortitsinnermi atortussat ilaattut taanna ilaaniassammat, kingusinnerusukkullu pilersaarusioreernerup kingorna namminneq missiliuutiminnik takkussaqaarsinnaaniassammat ingerlaavartumillu kommunimik naatsorsuutigisamik naleqqussaasoqartarluni. Suliniut ukiuni amerlasuuni ingerlareernikummat, sanaartornissamut pilersaarummi avataanit suliffeqarfinnit marluusunit Kangerlussuup Sisimiullu akornanni aqqusinnermut sioraasumi sanaartornermi missiliuummut nutaangitsumut sanaartornermut pilersaarummi innersuussisoqarpoq, siunnersuutimik pilersaarusiortumut atatillugu nutarterneqartariaqartumik.

Kangerlussuup Sisimiullu akornanni aqqusineqarnikkut attaveqarnissaq pillugu ukiorpassuarni politikkikkut eqqartuisoqartarnikuuvoq, ukiunilu kingullerni ATV-nut aqqummik tigussaasumik sulineq aallartinneqarpoq, aqqusinnermi toqqaveqarani nammassinnaasuseqannngitsumik nunaannarmi illuatungaaticut nammineq illiningortitamik peqarluni. Suliamik saqqummiussaqaq una aqqusinnermut sioraasumut tunngassuteqarpoq, kisianni aamma ATV-nut aqqut pillugu oqaaseqaatinik aammattaq imaqarluni, suliniutit marluusut ASN-imik akuersissutinik (Sisimiuni imeqarfiup killeqarfiata iluani ingerlaarfimmi akuersissuteqartoqarnissaa amigaataavoq) akuerisaasunik qinnuteqarfigisanillu ilaatinneqarmata.

Kangerlussuup Sisimiullu akornanni aqqusineq aamma ATV-nut aqqut pillugu suliaq arlaleriarluni Aningaasaqarnermut ataatsimiititaliami Kommunalbestyrelsimilu, kingullermik KB ataatsimiinnerani 07/2020 imm. 3.3, tak. ilanngussaqaq 2 eqqartorneqartarnikuuvoq. Taakkununga aningaasanik ERP-suliniutini nr. 500142, 500143, 500156, 500179, 500180, 500182 aamma 500189-mi kommuni aningaasanik immikkoortitsinikuuvoq.

##### Maleruagassaticut tunngavigisaaq

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Namminersorlutik Oqartussat 2020-mut Aningaasaqarnermut inatsisissaanni Nuussinissamut sillimmatini 80.00.01 ataani tapiissutaasinnaasutut allassimasut.

##### Pissutsit atuuttut

Kangerlussuarmit Kangerluarsuk Tullerup tungaanut ATV-nut aqqut siunnersortitut suliffeqarfimmit pilersaarusiorneqarpoq aammalu 2020-mi maajip 27-ani entreprenørinut suliariumannittussarsiuunneqarluni. 2020 aasaaneraniit entreprenørimit ATV suliarineqarnikuuvoq suliffeqarfimmillu pilersaarusiortumit suliamik nakkutilliisoqarluni. Entreprenøri taanna atorlugu suliaq taanna 2021-mi ingerlaqqissaqaq allamillu siunnersortitut suliffeqarfimmit suliamik nakkutilliisoqassalluni. 2021-mi septembarip naalernerani ATV-nut aqqut Kangerluarsuk Tullerumut apuutissasoq naatsorsuutigineqarpoq.

Kangerlussuarmiit Kangerluarsuk Tullermut ingerlaarfimmut aammattaq aqqusinnermut sioraasumut ASN-imik akuersissummik pigisaqartoqarpoq, kisianni imeqarfiup killeqarfia aqqusaarlugu Kangerluarsuk tullermiit Sisimiunut ingerlaarfimmut sulii akuersissuteqartoqarani.

Kommunip pilersaaruserfigineqarnerani tapiliussamik 22-mik 2017-imi juunip 15-ianeersumiit aqqusinnermut pilersaarutitut tunngavissamik pigisaqartoqarpoq.

ATV-nut aqqut ingerlatsinnermi missingersuutitaqanngilaq, taammaattumillu 2022-mut Teknikkeqarnermut Ataatsimiititaliatut TAI-mit toqqagassatut periarfissatut tulleriaarisogarluni. Siunnersuut ingerlaqqinngitsoorpoq, aammalu ATV-nut aqqut sulii ingerlatsinnermut missingersuuteqanngilaq, naammassineqarnera kingorna attuumassuteqartussaasoq.

Aqqusinivimmuut ingerlatsinnermut missingersuutit qaffasinnerungaatsiassapput, aammalu aqqusinnermik pilersitsinnermut siunissami aningaasaliisutitut atatillugu aqqusinnermut sioraasumut siunissami ingerlatsinnermut pisussaaffinnik ilanngussinissaq aningaasaqarnikkut akisussaassuseqannginnerussaaq. Sanilliussissagaanni Sisimiuni aputaajaaneq ilanngullugu aqqusinnermik aserfallatsaaliinnermut aqqusineq kilumiiteriugaangat 100.000 koruuneqartarpoq, aputaajaanerup aqqusinnermillu nalinginnaasumik aserfallatsaaliinerup akornanni assigiimmik agguataarneqartumik.

Nunarsuarmi avatangiiserisanut sanilliullugu kalaallit nunaanni illoqarfinni aqqusineq kilumiiteriugaangat sanaartornermut aningaasartuutit annertooringussusarput, aqqusinnermik sanaartornerit annertuunik qaartiterinnermik, illoqarfinni illoqarfiullunniit avataaneersunit entreprenørinut ujaqqanik atortussanik sumiiffimmit pisiniallunniit tulluurtunik nunalerisunit aqquserngup toqqavissaanik sanarfinerik ilaqartarput, toqqaviup naammassisinnaanissaani kiisalu illoqarfinni nunami pissutsinik unammillernartunik ilaqartarmata. Aqquserngup nerutussusaa pivallaarnagu, kisianni nunamik aamma qaartiterinerup annerussusaanik ilalerlugu aqquserngit takissusaat, aningaasartuutitut pingaarnertut isumaqarput. Nunatsinni aqqusinnerni taamak takitigisuni misilittagaqartoqanngilaq, aammalu illoqarfinni aqquserngit taamak takitigut suliarineqartarnerat qaqutigoortoringussuuvuq.

Malitsigisaanik aqqusinnermik aserfallatsaaliinissaq eqqarsaatigalugu aqquserngup ingerlaarfiusumut taamak takitigisumut aalajangiisussaaq, aqquserngup toqqavianik isumannaartumik sanarfilluni aqqusinnermik sanaartorneq imminut illersorsinnaasoq, nutarsaanissamut pisussaaffinnik annertuunik kinguneqanngitsumik.

#### Atuilluartuunissakkut kingunerisinnaasai

Takuuk KB 07/2020 imm. 3.3.

#### Aningaasaqarnikkut allaffissornikkullu kingunerisinnaasai

Aqqusinnermut sioraasumut pilersaaruserinnermi aningaasartuutitut kommunip akileeqaataassutissaatut ERP suliniuummi 500156-imi kommuni 5 mio. koruuninik immikkoortitsinikuuvuq. 2020-mi Aningaasaqarnermut inatsimmi Namminersorlutik Oqartussat atuiffik 80.00.01 ataani "Sisimiut Kangerlussuullu akornanni aqqusinnermik pilersaaruserinnermut tapiissutaasinnaasutut 5 mio. koruunit sillimmasiunnikuuai.

Misissueqqaarnernut pilersaaruserinnermullu aningaasaliissutitut sinaakkutit tamakkiisut taamaalilluni 10 mio. koruunit amerlassuseqalissasut naatsorsuutigineqarpoq.

### Allaffeqarfiup naliliinera

Aqqusinermit taamak angitigisumut misissueqqaarnerit malitsigisaanillu pilersaarusiornert, sanaartorfinni taakkunani suliffeqarfinnik siunnersortinik immikkut ilisimasalinnit pisariaqartitsippit. Misissueqqaarnermik aamma pilersaarusiornermik suliami suliffeqarfinnut neqeroortitsinermit atortussanik suliaqarnermut, sanaartortitsisut siunnersortitut, siunnersortitut suliffeqarfik kommunimut iluaqutaasarpoq. Ingammik masarsoqarfinni aqqusinerngup ingerlaarfii, masarsoqarfinni nunap toqqaviata nammassisinaaneranik misissuinerit, kiisalu aqutaani aqqusinermit sanaartornermut ujaqqanik atortussanik tulluarsinnaasunik annertuunik pitsaasunillu paasiniaaneq unammillernartuuvoq.

Kommunip pilersaarusiornigineqarnerani tapiliussaq 22 ingerlaarfissatut immikkortitaasumit 100m nikinganermik killilersuivoq. Aqqutissatut immikkoortitaasumi pilersaarusiornermut tungavissami 100m sinerlugu nikisitsinissamik pisariaqalernissaq ilimanaateqarpoq, taamaattumik pilersaarusiornermi tunngavissamik nutaamik suliaqartoqarnissaa naatsorsuutigineqassaaq, aammalu tamatuma kingorna ASN-imit akuersissutaasunit immikkut ittumik akuereqarnissamik qinnuteqartoqassalluni.

Immikkoortoq 2.3-mi sanaartornissamut pilersaarut Kangerlussuup Sisimiullu akornanni aqqusinermit sioraasumut suliffeqarfinnit avataaneersunit marlunnit 250-490 mio. koruuninik sanaartornermut missiliuutinik nutaanngitsunut sakkortooujussuarnullu innersuussinermik imaqarpoq. Suliniutivimmuut attuumassuteqartut, taakkuupput avataanit missiliuutit kingullit. Kisiani aallerfinnik assigiinngitsunit ukiut 18 pisoqaassusillit aammalu nalorninartortoqartorujussuit pineqarput, taamaalilluni ullutsinni akit qaffasinnerungaatsiarnissaat naatsorsuutigisariaqarluni. Suliniummut attuumassutilimmik aamma ingerlatsinermit sanaartornermullu aningaasartuutini nutaanerusumik missliuuteqanngilaq. Taamaammat tamakku pissutigalugit, siunnersuutitut atugassamik siunnersuummik suliaqarnermut atatillugu suliffeqarfiup siunnersortaasup sanaartornermit ingerlatsinermullu aningaasartuutit nutaat paasisassarivai. Siunnersuutitut atugassiaq pilersaarutit ilagivaa siunnersortimit tunniunneqartoq, tassanilu missiliuutinik piviusorsiornerusunik takkuttoqartussaalluni.

Imeqarfiup killeqarfia aqqusaarlugu ingerlaarfimmuut ASN-mik akuersissummi suli pigisaqartoqanngimmat, tassunga misissueqqaarnermut aamma aqquserngup ilusissaanut kingunerisinnaasat suli ilisimaneqanngillat. Apitinnagu nunap toqqavianik aamma nunami pissutsinik suliffeqarfik pilersaarusiortuusooq alakkaasinnaanermut periarfissaqassappat, misissueqqaarnissamut aamma pilersaarusiornermik sulinissaq maannakkut neqeroortigineqassaaq.

### Allaffeqarfiup innersuussutaa

Allaffeqarfiup Teknikkeqarnermut Ataatsimiititaliamut innersuussutigivaa:

Aqqusinermit sioraasumik misissueqqaarnissamut pilersaarusiornissamullu tunngavissatut Sisimiut Kangerlussuullu akornanni aqqusinermit sioraasumut sanaartornermut pilersaarutaagallartoq 2021-mi juunip 25-aneersoq akuersissutigineqassasoq.

Sanaartornissamut pilersaarut naapertorlugu aqqusinermit sioraasumut misissueqqaarnermik pilersaarusiornermillu suliaqartussamut siunnersortitut suliffeqarfinnut neqeroortigineqassasoq. Missingersuutit aningaasartaasa iluanni aqqusinermit sioraasumik misissueqqaarnermik pilersaarusiornermillu suliniup aallartinneqarnissaa akuersissutigineqassasoq.

**Aalajangiineq:**

Akuersissutigineqarpoq.

Sisimiut Kangerlussuullu akornanni aqqusineramik pilersaarusionerq kommunimit kisimi aningaasalersorneqassanngippat, Karl Lyberth (Naleraq) innersuussut akuersissutigivaa.

**Ilanngussaq 1:** Sisimiuniit Kangerlussuarmut aqqummut sanaartornermut pilersaarutaagallartoq 2021-mi juunip 25-aneersoq.

**Ilanngussaq 2:** Sisimiuniit Kangerlussuarmut aqqusineramik Ingerlateqqiineq, KB 26.11.2020 aalajangiinera

**Imm. 6.1 Sisimiut eqqaani siorarsuit nalaani immap naqqanit piianeq pillugu innersuussut**

Journalnr. 74.00

Tunuliaqutaq

Sisimiut avannaatungaani siorarsuup nalaani sioqqanik piiasarnerup ernumanaateqarnera pillugu oqaluusersisassatut Teknikkeqarnermut ataatsimiititaliami siulittaasoq siunnersuuteqarpoq, takuuk ilanngussaq 1.

Siorarsuit qanittuani sioqqanik piiasarneq pillugu ataatsimiititaliami siulittaasoq apeqquteqarpoq. Annertunerusumik neriuisoqarneratigut, siorarsuit ilusaanut pitsaanngitsumik sioqqanik piiasarnerup kinguneqarneranik ernummateqarnermik oqariartuutigineqarpoq. Ataatsimiititaliami siulittaasoq naapertorlugu, ernummateqarnermut innuttaasunit taperserneckartoq, tassami siorarsuit pitsaanngitsumik sunnertinneqarsimanerat innuttaasunit maluginiarneqartalereersimavoq, siusinnerusumummi sanilliulugu annikinnerulersimammat.

Siorarsuit qanittuani sioqqanik piiasarnerup kingunerisinnaasaanik misissuinermik aallartisisoqarnissamik, ataatsimiititaliami siulittaasumit kissaatigineqarpoq, aammalu piianerup siorarsuarnik annertunerusumik neriuinermik kinguneqarnissaanik takutitsippat, sumiiffimmi tassani piiaanerup inerteqqutaanissaanik siunnersuuteqarluni.

Maleruagassatut tunngavissat

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq. (aatsitassanut ikummatissanullu inatsit)

Pissutsit atuutut

Aatsitassanik piianeq (matumani sioqqanik piianeq ilanngullugu) pillugu Aatsitassanut Aqutsisoqarfik oqartussatut suliarinnittuovoq, taamaattumillu sioqqanik piiaanissamut akuersissutinik Namminersorlutik Oqartussat akuersissuteqartartuullutik.

Ukiut siuliini Qeqqata Kommuniani kommunip killeqarfiisa iluini immikkoortuni immap naqqanik piiaanissamut qinnuteqaatinut atatillugu tusarniaanermi, Aatsitassanut Aqutsisoqarfimmit Qeqqata Kommunian ilanngunnikuuaa.

Immap naqqanik piiaanissamut Aatsitassanut Aqutsisoqarfimmit kingullermi tusarniaanermut atortunik Teknikkeqarnermut Avatangiisinullu immikkoortorta qassinneqarami 2020-mi februaarimi pivoq.

Qeqqata Kommuniani sumiiffinni assigiinngitsuni sioqqanik piiaanissamut qinnuteqaammik, tusarniaanermut atortut imaqarput, ilaatigut Sisimiuni siorarsuit (Nulia) qanittuani.

Taamanikkut Teknikkeqarnermut Avatangiisinullu immikkoortorta qallaffissornikkut tusarniaanermut akissummik (takuuk ilanngussaq 2) Aatsitassanut Aqutsisoqarfimmut nassiuusaqarpoq, tamannalu Teknikkeqarnermut ataatsimiititaliamut paasissutissiissutitut saqqummiunneqarluni (takuuk ilanngussaq 3, TA imaqarniliaq).

Sumiiffik Nulia Sisimiut (siorarsuit eqqaani) tunngatillugu Teknikkeqarnermut Avatangiisinullu immikkoortorta, 2020-mi tusarniaanermut akissuteqaatimini tullinnguuttutigut oqaaseqaateqarpoq:

*”Siorarsuit illoqarfimmut qanittumi inissisimavoq, taamaattumillu siorarsuit atornerqarnera assut annertulluni. Sumiiffimmi tamaani immap naqqanik piiaanissaq ernumanartoqartitsissaaq, tassa siorarsuit allannegortinneqarnera pillugu tamaani piianeq siorarsuit sukissaarsartarfittut atornerqartarnera naleerutissammat. Qeqqata Kommunian noqqaassuteqarpoq, Sisimiuni sumiiffimmi Nulia-p nalaani Nuna Sten og Grus-ip immap naqqanik atortunik piiaanissamik qinnuteqaataa Aatsitassanut Aqutsisoqarfimmit itigartitsissutigineqassasoq.”*



Siorarsuup eqqaani immap naqqanik paaanissamut akuersissutaasinnaasumut, Teknikkeqarnermut Avatangiisinullu immikkoortortaq taamaalilluni akerliliinermik tunniussaqqarpoq. Siusinnerusukkut paaavinni pisimasinnaasuni paasissutissatigut tunngaviit pillugit, Teknikkeqarnermut Avatangiisinullu immikkoortortaqarfik tusarniaanerumut akissuteqaatigut apeqquteqaateqqarpoq. Aatsitassanut Aqutsisoqarfimmit sulii akissuteqaatinik takkuttoqarnikuunngilaq.

Ungasinngitsumi siorarsuup eqqaani paaaneq pillugu Teknikkeqarnermut Avatangiisinullu immikkoortortaq Aatsitassanut Aqutsisoqarfimmik oqaloqateqqarpoq, oqaloqatigiinnermilu piffimmi tassani sioqqaanik paaanerup kommunip ernummatigisaanik oqariartuuteqaqqilluni. Suliffeqqarfimmut pineqartumit paaanissamut qinnuteqaataanik suliarinninnermut atatillugu, ukioq kingulleq siorarsuit eqqaani sioqqaanik paaanissamut Qeqqata Kommuniata akerliliisimanera qanoq eqqarsaatigineqarsimanera pillugu, Teknikkeqarnermut Avatangiisinullu immikkoortortaqarfik akissutisiivigineqarnissamik kissaateqqarportaaq.

Qinnuteqaammut itigartitsinissamut akerliliinerit pingaaruteqartut akuersisartoqatigiinnit nalilerneqarsimasoq Aatsitassanut Aqutsisoqarfimmit nalunaarutigineqqarpoq. Siorarsuit eqqaani sioqqaanik paaanissamut akuersissut 2021-mi decembarip 31-anut atuuppoq. Siorarsuit qanittuani sioqqaanik paaanerup kingunerisinnaasaanik misissuinissamut siunnersuummut tunngatillugu, Aatsitassanut Aqutsisoqarfik tassaavoq akuersissuteqarnissamut oqartussaatur sioqqaanik paaanissamut qinnuteqaatinik suliaqarnerminnut tunngatillugu pinngortitamut kingunerisinnaasaanik pisariaqartunik tamanik naliliisussaq. Sioqqaanik paaanissamut inerteqquteqarnissamut oqartussaasuunnginnatta, tamanna kommunip suliaarinnigilaa.

Paaanissamut sammisaqartitsinernut akuersissutigineqarsimasunut, Aatsitassanut Aqutsisut nakkutilliusussaasuupput, sioqqaanillu paaanerup siorarsuit neriuinerisigut siunissami sunniutaanik Aatsitassanut Aqutsisoqarfiup nalilersorneqarnissaanut Teknikkeqarnermut Avatangiisinullu immikkoortortaq kaammattuivoq. Siuliani oqaloqatigiittoqareernermi, Aatsitassanut aammalu Imaani avatangiisit pillugit inatsit aammalu inatsisini allani aalajangersakkat Sisimiuni Siorarsuarnut attuumassuteqartut aallaffeqarfimmit misissuataarneqarput.

Aatsitassanut inatsimmi paragraf 3-mi ilaatigut ima allassimavoq:

*”Imm. 3 Oqartussatur suliarinninneq inatsisartut inatsisaat manna kiisalu inatsisartut inatsisaat malillugu malittarisassatur aalajangersakkat malillugit isumagineqartassapput. Taamattaq **oqartussatur suliarinninneq** aatsitassanut, aatsitassanik ingerlatsinermut, nunap iluani toqqorsimatitsinermut atuinnermut imaluunniit aatsitassanik sammisaqarnermut atatillugu siunertanut allanut, sulianut atatillugu nukissiornermik ingerlatsinernut, sulianut atatillugu ruujorikkut aqutininik ingerlatsinernut, ingerlatanullu allanut pingaaruteqartut **inatsisit malittarisassallu allat tunngavigalugit isumagineqartassaaq, inatsisit imaluunniit malittarisassat allat malillugit oqartussat allat oqartussatur suliarinnittussaasut aalajangersaasimannigippata.** Aatsitassanut Oqartussaqqarfik inatsisit allat malittarisassallu allat malillugit allaffissornikkut piginnaasatigullu oqartussaavoq, aatsitassat, aatsitassanik ingerlataqarneq, nunap iluanik toqqorsimatitsinermut atuneq imaluunniit aatsitassarsiornermik ingerlatsinernut siunertanut tunngasunut, tamatumunngalu tunngasuni nukissiornermik ingerlatat, tamakkununnga attuumassuteqartuni ruujorikkut aqutitigut sammisanut kiisalu tamakkununnga attuumassuteqartunik ingerlatsinerit allat attuumassuteqartut eqqarsaatigalugit.”*

Aatsitassanut Aqutsisoqarfiup Aatsitassanut inatsimmi aalajangersakkat naammassissagunigit, Imaani avatangiisit illersorneqarnissaat pillugu Inatsisartut inatsisaat nr 15, 8 juni 2017-meersoq minnerpaatut aamma naammassineqassapput:

- § 1 naapertorlugu, Inatsisartut inatsisaanni pinngortitap avatangiisillu illersorneqassapput, taamaalilluni inuiaqatigiit ineriartornerat piujuartitsinissamik tunngaveqarluni inuillu inuunermi atugarisaat ataqqillugit aammalu uumassusillit ataqatigiinnerata nungutsaalineqarnissaat siunertaralugu ingerlanneqarsinnaaqqullugu.
- Paragraffimi tassani imm. 2 naapertorlugu siunertarineqarpoq, pinngortitap avatangiisillu, pingaartumillu imaani avatangiisinik sukisaarsarfusinnaasutut nalilinnut akornutaasinnaasunik sunnerneqarsinnaanerata pinaveersaartinneqarnissaa killilersimaarneqassasut.
- Inatsimmi §2-mi allaaserineqarpoq, inatsinni umiarsuit Kalaallit Nunaata imartaaniittut ilaatigut avatangiisinut annertuumik sunniuteqartussatut isumaqarfigineqartut pineqartut.
- § 6 naapertorlugu, sulianut, Kalaallit Nunaanni aatsitassarsiornermut Inatsimmi ilaasunut atatillugu, imaani avatangiisinik illersuineq inatsimmi ilaatinneqanngilaq. Siuliani nassuiarneqartutut, Aatsitassanut inatsimmi §3-mut Imaani avatangiisinut inatsit atuutilersinneqarpoq.

Siorarsuit eqqaaneqartut eqqaani sioqqanik piianeq, pinngortitamut eqqaaniittumut kiisalu imaani avatangiisinut annertuumik pingaaruteqarpoq, imaani avatangiisit pillugit inatsimmi paragraffitigut ilaatinneqannginneranut tunngatillugu atuuttunnginneranut isigineqartariaqarsorinarpoq. Qanorluunniit siuliani pinngortitamik avatangiisinillu sunniinermut kiisalu sukisaarsarfittut naleqartitat eqqarsaatigalugit allaaserinninneq atuuppoq.

#### Atuilluartuunissakkut kingunerisinnaasai

Kuunni kinnernik ingerlatsiviusut eqqaanni ujaraaqqat sioqqallu ilaatigut nutartertuartuusinnaasarpur, taamaattumillu piiaanerit piiaviit qanittuini nunamut innuttaasunit atorneqartumut imaluunniit uumassusilinnut arlaliussunut ajoqutaanngitsumik ingerlasinnaatillugit, allaffeqarfimmit pitsaasumik isigineqartarput.

Sisimiuni kuunnit siorarsuarnut Nulia-mut sioqqanik nutaanik ingerlatsisoqarneq ajorpoq, Kangerluarsunnguami kuunik kinnernik kuutsitsisoqanngimmat.

#### Aningaasaqarnikkut allaffissornikkullu kingunerisinnaasai

Suliniut kommunimut toqqaannartumik aningaasaqarnikkut kingunissaqanngilaq.

Aatsitassaqaqarnermut kommuni oqartussaassuseqanngilaq, Aatsitassanut Aqutsisoqarfimmiillu tusarniutinut attuumassuteqartunut akissuteqartarluni.

Aatsitassanut Aqutsisoqarfiup aalajangiissuteqarsimaneranut paasissutissatigut tunngavinnut tunngatillugu, kommuni akissutisinnissaminut nukingisaarivoq. Aatsitassanut Aqutsisoqarfimmik attaveqatigiinnerit kinngullertigut, kommunip iluani geoteknikkimut tunngatillugu suliaq paasisimasalimmut ingerlateqqinneqarsimavoq. Innuttaasunit maluginiakkanik Aatsitassanut Aqutsisoqarfik tatiginnissimangitsaq paasineqarpoq, immikkoortumilu nakkutilliisimanermut takussutissaqarsimagunarani, aammalu suliamik ingerlatsinermut atatillugu immikkoortoq alakkartersimanagu.

Innuttaasut kommunillu ernumaatigisimasaannut illuatungiliisunik Aatsitassanut Aqutsisoqarfik uppersaatiniq tunniussaqaarsimangitsaq paasineqarpoq, kommunillu allaffeqarfianit maannakkut paasisimasalimmut avitseqatigiissutigineqarluni. Taamaattumillu Aatsitassanut Aqutsisoqarfimmit

akissuteqarnissaq nukingisaarutigineqarpoq, sumiiffimmilu siorarsuarni pineqartumi neriuinerit sioqqallu kiviartornerinik oqartussanit illuatungilerlugu uppersarsineqarsinnaangippat, sumiiffimmi sioqqanik piiaanerup unitsinneqarnissaa kommunimit aamma innersuussutigineqarniarpoq.

Oqartussat Sisimiuni Siorarsuarni pineqartuni akuersissummik tunniussinerminnut atatillugu, "Sanaartornermut atortulersuinernullu suliaqarnermut atatillugu akuersissutteqalernermi avatangiisinut sunniutinik naliliinermik, VVM-imik taaneqartartumik piniarsimanersut pillugu, Aatsitassanut Aqutsisoqarfimmit allaffeqarfik aamma oqaaseqaatinik piniarsimavoq. Imaani avatangiisit pillugit inatsimmi § 36 naapertorlugu, qinnuteqarnermi sioqqanik piiaanissamut suliniutip avatangiisinut sunniutigisinnaasaanik nassuiaasoqarluni, Naalakkersuisunit akuersissummik piniartoqassasoq.

#### Allaffeqarfiup naliliinera

Immap naqqani atortunik piiaanerup pingaaruteqarpoq, piiakkat assigiinngitsorpassuartigut atorluarneqarsinnaammata. Immap naqqani atortunik piiaanissaq suliffeqarfimmit sanaartornermik ingerlatsisunit kiisalu Qeqqata Kommunianit isumalluutigineqarpoq, tassami piiakkat sanaartornermut sanaartugassanillu suliniutinut, aqqusinigissaatitut allanullu atorneqartarmata.

Sisimiut eqqaani sumiiffinni allani sioqqanik aallerfiusinnaasunik arlalinnik peqarpoq. Assersuutigalugu mittarfiup avannaatungaani Kangerluarsup Tulliata tungaanut qeqartat akornatigut aqut, tassani angallaviup aqqutaani itinerulersinneqarsinnaalluni. Immikkoortoq taanna angujuminartuuvoq, innuttaasunut imaatigullu angallattunut iluaqutaaginnassalluni.

Allaffeqarfimmiilli nalilerneqarpoq, siorarsuit eqqaani immap naqqanik piiaanerup, siorarsuit sukisaarsarfittut atorneqarneranut tunngatillugu naapertuuttuunngitsoq, siorarsuarnimmi sioqqanik piiaanerup neriuinerinik kinguneqartitsinissamik aarlerinartitsimmat.

#### Innersuussut

Teknikkeqarnermut ataatsimiititaliamit akuereqqullugu Teknikkeqarnermut Avatangiisinullu immikkoortortap innersussutigivaa,

- Siorarsuit eqqaani immap qannanik piiaanerup pillugu paasissutissiissut tusaatissatut tiguneqassasoq.
- Kommunalbestyrelsi sinnerlugu, allaffeqarfik siorarsuit tungaanut sioqqanik piiaanerup akerliuinerinik aammaarluni, Aatsitassanut Aqutsisoqarfimmut saaffiginnissuteqarqissasoq.

#### **Aalajangiineq**

Paasissutissiissut tusaatissatut tiguneqarpoq.

#### Ilanngussat

1. Ataatsimiititaliami siulittaasup oqaluuserisassatut siunnersuutaa
2. 2020-mi Aatsitassanut Aqutsisoqarfimmut tusarniaanermut akissuteqaat
3. TA-mi 2020-mi maajip arfineq-aappaanit imaqarniliaq

**Imm. 6.2 Erngup nukinganik sanaartunnermut inatsisip Inatsisartunit  
pingajussaaneerpeqarneranut tusarniummut akissuteqaatip paasissutissiissutiginera**

*Journalnr.*

Tunuliaqutaq

Nuup, Qasigiannugit Aasiaallu eqqaani erngup nukinganik iluaquteqarluni nukissiorfinnut sanaartornissamut inatsisissap pingajussaaneerpeqarneranut tusarniaanermut atortut Qeqqata Kommunianit tiguneqarput. Tusarniaaneq juunip 18-ianut killilerneqarpoq, taamaattumillu tusarniaanermut akissuteqaat allaffeqarfimmit suliarineqarluni TAI-mit nassiunneqarpoq, matumuunalu tusarniaanermut akissuteqaammi pingaarnerit paasissutissiissutigineqarlutik.

Siuliniummumt sanilliullugu, inuiaqatigiit aningaasaqarneranni naatsorsuinerit Namminersorlutik Oqartussanit allannngortinneqarluninnersimapput, taamaalilluni piusinnaassuseq utertillugillu akilersuinissaq ukiunut 80-nut sivilissusilerneqarluni. Siusinnerusukkut inuiaqatigiit aningaasaqarneranni naatsorsuinerit, suliniut imminut akilersinnaanerutut saqqummiunneqarluni.

Allaffissornikkut tusarniaanermut akissuteqaat TAI-mit nassiunneqarpoq, ilanngussaq 1 naapertorlugu naatsorsuinerit allannngungaatsiarsimasut pillugit illuatungiliuuttuusut. Aammattaaq suliaq pillugu borgmesteri Naalakkersuisunut aallaqateqarnikuulluni.

Suliniut pillugu kommunalbestyrelsi siullermeertumik Namminersorlutik Oqartussanut saaffiginnimmalli, Qeqqata Kommuniani politikikkut suleqatigiinnissamut isumaqatigiissutaani nutaami, Maniitsumi erngup nukinga iluaqutigalugu nukissiorfimmik pilersitsisoqarnissaanik salliutitsinissamik aalajangerpoq, tamannalu pillugu, soorlu kommunip tusarniaanermut akissuteqaataani aamma eqqaaneqartoq, Naalakkersuisunut nutaanut borgmesteri saaffiginnissuteqarnikuusoq.

Maleruagassatigut tunngavigisaq:

Kiassaateqarfinnik ingerlatsinermut aserfallatsaaliinermullu - kiisalu kiammik pilersuinerit Nukissiorfiit akisussaapput.

- Nukissiorfiit tunniussisarnermut piunasaqaataat
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.

Pissutsit atuuttut

Inatsisartut aalajangiiffigisassaattut siunnersuut 153 Naalakkersuisut peqquneqarnissaat pillugu sulissutigeqqullugu erngup nukinganik iluaquteqarluni nukissiorfiliornissaq Qasigiannuganut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik Inatsisartut aappassaaneerinninnerminni akuersissutigaaq, ilaatigut tullinnguuttutigit maleruagassalerlugu:

- Inuiaqatigiit aningaasaqarnerannut kingunissanik nalilersuinerit saqqummiussami ilitersuut ilaatinneqassasoq, ernialersuineq ilanngullugu. (Namminersorlutik Oqartussat pingajussaaneerinninnerminnut atatillugu, ilitersuut taanna qimakkiaartuaarpaat.)
- Naalakkersuisut kingusinnerpaamik UKA 2020-mi aningaasalersuinissamut, ingerlatsinermut piginnittuunerlu ilanngullugit sanaartornissamut siunnersuummik saqqummiussaqaassasut, aamma taakkununga inatsisissartut tunngavissamik pisariaqartumik Naalakkersuisut aallartitsissasut.

Kingusinnerusukkut 2020-mi februaarip 27-ani kommunalbestyrelsip nalinginnaasumik ataatsimiinnerani 01/2020-mi Qeqqata Kommunia ilaatigut aalajangiinikuuvoq Naalakkersuisunut tullinnguuttutigit kissaateqarluni saaffiginnissuteqartoqassasoq:

- Naalakkersuisut EM 2019/153-imit Inatsisartunut aalajangiiffigisassatut siunnersuutaata akuerisaasup Maniitsup eqqaani erngup nukinganik nukissiorfimmik nalilersuinissamik ilaneqarnissaata salliuinneqarnissaa, taamaalilluni Maniitsup, Nuup kiisalu Aasiaat-Qasigiannugit eqqaanni erngup nukinga atorlugu nukissiorfinnik pingaarnersiuinermit tulleriaarineq Inatsisartut kingusinnerusukkut toqqarsinnaallugu ilutigitillugulu aamma assiigiimmik aalajangiinissamut tunngavissaqarnissaq.
- ”Nukissamik pilersuineq pillugu Inatsisartut peqqussutaat nr. 14, 6. november 1997-imeersoq” allangortinneqarnissaanik inatsisissatut siunnersuut pillugu siunnersuummik saqqummiisoqassasoq, taamaalilluni Kalaallit Nunaanni nukissanut aqutini attuumassuteqartuni inuussutissarsiornikkut orniginartuni nukissanik pisassanik pilersitsisoqarsinnaalluni, taamaalillutillu inatsimmi inuussutissarsiornikkut periarfissat atuilluartsut eqqarsaatigineqassallutik.

Siunnersuutitut ukununga tusarniaanermi atortussat allaffeqarfiup 2020-mi juunip 18-iani tiguai: ”Sanaartugassanut, aningaasalersuinissanut erngup nukinganik iluaquteqarluni nukissiorfiit atortulersuutitalit Nuummik kiisalu Qasigiannuganik aamma Aasiannik pilersuisussamut killiliussat pillugit Inatsisartut inatsisaat nr. xx ulloq xx. xxx 2020-imeersoq”, taamatullu tusarniaanermut akissuteqaat tullinnguuttutigit paasisutissiissutitalerlugu kommunalbestyresimi ilaasortanut nassiunneqarpoq.

Ukioq 2021-mi Borgmesteri Namminersorlutik Oqartusasnut saaffiginnissuteqarpoq, ilaatigullu ilanngussaq 2-miittut TAI-mit naatsorsukkat nassiullugit. Taakku takutippaat, Maniitsumi erngup nukinga iluaqutigalugu nukissiorfiliornermut, Aasianni Qasigiannuganilu erngup nukinga iluaqutigalugu nukissiorfiliornermut sanaartornermut aningaasartuutissat affaannaaniissasoq, taamaaliornikkullu sanaartornissamut tarsigassarsiniarnermut aningaasartuutaasunut aammalu ernianut aningaasartuutaasussat appasinnerungaatsiassallutik. Ilanngussaq 2-mi takutinneqarportaaq, Qeqertarsuup Tunuani erngup nukinganik iluaqutitalimmik nukissiorfiliornissamut eqqarsaatersuutaasutulli, Maniitsup eqqaani sanaartornermi iluaqutissartaa kiisalu uuliamik atuneq naapertorlugu akigititaq assigeqqissaarluinnapajaaraa.

#### Atuilluartuunissakkut kingunerisinnaasai

Ilanngussaq 3-mi nalunaarussiaq ”Den danske statsgarantimodel – Funktionsmåde og erfaringer med store trafikale infrastrukturprojekter” erngup nukinganik iluaquteqarluni nukissiorfinnut suliniutinut annertuumik attuumassuteqarpoq, nalunaarusiami erngup nukinganik iluaquteqarluni nukissiorfittulli sivilisutigisumik piusinnaasunut attaveqaatersuutinut suliniutit annertuut pineqarputtaa, taakkunungalu aningaasaliissuteqarnikkut pissutsit Kalaallit Nunaanni periutsinut toqqaannartumik sanilliunneqarsinnaallutik, tassani Namminersorlutik Oqartussat nunatta karsiatigut imaluunniit Namminersorlutik Oqartussat annerusumik minnerusumilluunniit qularnaveeqqusiilluni Namminersorlutik Oqartussat suliffeqarfiutaasa taarsigassarsineratigut sanaartorerit aningaasaliiffigineqarlutik.

Utertillugit akilersuinissamut piffissarititaq suliniutinut aningaasaqarnikkut atuilluartuuneranik nalilersuinermit, nalunaarusiami qitiusutut allaaserineqarpoq. Sanaartornermut sivilisumik piusinnaasuni, piusinnaaneranit annertunerusumik sivikinnerusumik utertitsilluni akilersuinissaq

nassuiaatigineqarnikuvoq. Suliniutinut assingusunut sanilliussinissamut, ukiuni 100-ni piusinnaasutut aalajangiiffigineqartunut, utertitsilluni akilersuinissamut piffissaliussaq Danmarkimi nalinginnaasumik ukiunut 30-40-nut aalajangiunneqartarpoq. Ukiut 50-it sinnerlugit utertitsilluni akiliuteqartarnerup suliniummut aarlerinarsisisarnerata annertunerulertarnera pillugu misilittakkat aamma nalunaarusiami allaaserineqarput. Tassa imaappoq, naatsorsuutigisat allannguuteqaraangata, tamanna annertusiartornera ilutigalugu utertitsilluni akilersuinermit annertunerusumik sunniuteqartartoq. Inuiaqatigiinni pissutsinut arlaqartunut apeqqutaalluni, annertunerpaamik aarlerinaateqartussatut atuisut akiliuteqartarnerisigut isertitat kisimik allaaserineqarput. Tassunga missiliut piffissamut sivisungaatsiartumut ukiunut 40-50-inut matussusisussaavoq.

Erngup nukinganik iluaquteqarluni nukissiorfinnut Naalackersuisut maannakkut piumasaqaatigaat, ukiuni 80-ini sivisussuseqartumik utertitsilluni akiliuteqartarnissaq, tamannalu assingusumik piusinnaasunut attaveqaatersuutinut suliniutinut atatillugu piffissaliussatut piumasaqaataasartunit marloriaatinngortitsineruvoq, tamannalu annertoorujussuarmik aarlerinartumik pilersitsilluni.

#### Aningaasaqarnikkut allaffissornikkullu kingunerisinnaasai

Innaallagissamik pilersuineq kommunimit ingerlanneqanngilaq, Namminersorlutik Oqartussallu Nukissiorfinnik ingerlataqartuullutik. Tamanna tunngavigalugu erngup nukinganik iluaquteqarluni nukissiorfinnik sanaartornermut kommuni aningaasaqarnikkut toqqaannartumik eqqugaassanani. Illuatungaatigullu taakkununga sanaartornissamut missiliuutit annertoorujussuarni pitsaanngitsumik pingaarnersiortoqassatillugu, Kalaallit Nunaanni tamaat, Qeqqata Kommunia ilanngullugu, innuttaasut aammalu nuna tamakkerlugu pisortat aktianik piginneqarigiiffii aningaasaqarnikkut pitsaanngitsumik toqqaannanngikkaluartumik eqqugaassallutik.

#### Allaffeqarfiup naliliinera

Assipajaavanik iluaqutissartaqarluni Maniitsup eqqaani erngup nukinganik iluaquteqarluni nukissiorfimmit, Aasiaat Qasigiannguillu eqqaani erngup nukinganik iluaquteqarluni nukissiorfiit minnerpaamik 600 mio. koruuninik akisunerusoq, nalunaarusiani pilersaarutinilu ukunani piumasaqaatinut naleqqutinngilaq:

1. Namminersorlutik Oqartussat Nukissiuuteqarnermut immikkoortumut pilersaarutaanut suliniut naammassinninnaanngilaq, ilaatigut ilaqutariinnut inuussutissarsiornermullu atuinermit akit akikinnerpaaffianiitinnissaanut anguniagaqartoq, kiisalu erngup nukinganik iluaquteqarluni nukissiorfinnit tunisaqarnissamut tunngavia aningaasaliissutigineqartumut naapertuunnissaanik periusissiaqartoq.
2. Naalackersuisut piginnittuunissamut politikkianut suliniut naapertuutinngilaq, suliniutit imminut akilersinnaanngitsut nunatta karsianut, taakkununga taarsigassassinissamut periarfissanut artorsartitsiinnaratik, aammali Namminersorlutik Oqartussanit pigineqarlutik aktianik piginneqatigiiffiit taarsigassarsinissamut periarfissaannut, soorluttaaq atuisunut tamanut suliniut artukkiisussaavoq.
3. Aningaasaqarnikkut ukiuni 80-ini utertitsilluni akilersuinissamut piffissaliussaq siviuaallaarujussuarpoq, nunatsinnullu aningaasaqarnikkut annertuallaamik aarlerinartitsilissalluni. Attaveqaatersuutinut suliniutini, erngup nukinganik iluaquteqarluni nukissiorfittuulli siviutigisumik piusinnaasuni aningaasaqarnikkut tunngaviit atorunnaarsinneqarput, taakkunanimi utertitsilluni akilersuinerit sivisunerpaamik ukiunik 40-50-inik sivisussusilerneqartarmata. Ukiuni 40-50-ini utertitsilluni akilersuinissaq imminermi annertuumik aarlerinartitsereerpoq.
4. Kalaallit Nunaanni Aningaasaqarnermut Siunnersuisoqatigiinnit kingullermi nalunaarusiami innersuussutaasunut suliniut naammassinninngilaq, taamatullu Namminersorlutik Oqartussat Akiitsunut aningaasaliinernullu periusissamut naammassinnigani.

Siuliani nalilersuinissamut piumasaqaataasut ilanngussaq 1-imi, Erngup nukinganik sanaartunnermut inatsisip pingajussaaneerqarneranut tusarniummut Qeqqata Kommuniata akissuteqaataatigut atuarneqarsinnaapput.

Tusarniaanermut piffissaliussap qaangiutereernerata kingorna, avataanit siunnersortimit inatsisissatut siunnersuummut tunngaviliisumik inuiaqatigiit aningaasaqarmerammit naatsorsuutit Namminersorlutik Oqartussanit aatsaat nassiuqqarpot. Tamanna Qeqqata Kommunianit tusarniaanermut akissuteqaataanik allannguisitsisinnaasunik imaqanngilaq. Illuatungaatiigulli kommunip tusarniaanermut akissuteqaataani ilanngussaq 1-imiittumi illuatungiliineranik uppersaaginnarpoq.

Namminersorlutik Oqartussat nalunaarusiassatut piniarneqartumi ilaatigut Aasianni Qasigiannuanilu innuttaasut ukiuni tulluuttuni 80-ini allannguuteqannginnissaanik piumasaqaateqarpoq, tamannalu annertuumik nalorninartoqartitsillunilu aarlerinartoqartitsivoq. Ukiunimi kingullerni 44-ni Qasigiannuani innuttaasut 35 procentinik appariaateqarput, Aasiannilu 9 procentit sinnerlugit appariaateqarlutik.

Illoqarfinni marluusuni innuttaasut amerlassusaasa taamak annertutigisumik appariaateqarsimanerat inuiaqatigiit aningaasaqarneranik misissuineranut ilanngunneqartariaqarput, atuisummi akiliutaannut imaluunniit atuisunut akigititanut sunniuteqarneranut attuumassuteqarnera pillugu, Qeqqata Kommunianit tusarniaanermut akissuteqaammi nassuiarneqarpoq. Akilersuinermit erniat 4 procenti, taamatut naatsorsuinermit nalinginnaasusooq nalunaarusiami aallaavigineqaralarpoq, soorluttaaq Danmarkimut sanilliullugu Kalaallit Nunaanni sanaartornermut aningaasartuutit qaffassinnerusarneri aamma eqqarsaatigineqarsimasut. Naatsorsuinerilli taakku siuliani piumasaqaatinik taaneqartunik aallaaveqarput, siuliani Qeqqata Kommuniatalu tusarniaanermut akissuteqaataa naapertorlugu kukkusuuq.

#### Innersuussut

Teknikkimut Avatangiisinullu immikkoortortap Teknikkeqarnermut ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa:

Nuup kiisalu Qasigiannugit Aasiaallu eqqaani erngup nukinganik iluaquteqarluni nukissiorfinnut sanaartornissamut inatsisissatut siunnersuummut allaffeqarfimmit tusarniaanermut akissuteqaat pillugu paasissutissiineq tusaatissatut tiguneqassasoq.

#### Aalajangiineq

Paasissutissiissut tusaatissatut tiguneqarpoq.

#### Ilanngussat

1. Qeqqata Kommuniata Namminersorlutik Oqartussanut tusarniaassummut akissuteqaataa
2. Erngup nukinganik iluaquteqarluni nukissiorfinni aningaasaqarnikkut pissutsinik, Qeqqata Kommuniata nammineq naatsorsuusiai.
3. Den danske Statsgarantimodel
4. Inuiaqatigiit aningaasarnikkut naatsorsorneqarnerat pillugit avataanit siunnersortimit Namminersorlutik Oqartussat nalunaarusiamik suliakkiinera

### **Imm. 6.3 Ilisimatitsissut Qeqqata Kommuniani angallassissutit tamanit atorneqarsinnaasut**

*Journalnr.*

#### Tunuliaqutaq

Suliamik saqqummiineq una allaffeqarfiup Qeqqata Kommuniani politikkerinut ukiuni aggersuni missingersuutitigut suliaqartarnermut atatillugu oqallisissiarivaa, ukiup tullianut sanaartugassatut kissaatit ataatsimiititalianiit tunniunneqareernerat pillugu.

Angallassissutit tamani atorneqarsinnaasut kalaalimineerniarfittut kommunimit aningaarsartuutigineqarput, kommunilli aningaasaqarneranut inuit biiliinik eqquusuinikkut akimisitsisutullusooq illutik toqqaannangikkaluamik ajunngitsumillu tapertaallutik, kommunillu aningaasartuutigisaanut angallassissutaasinnaasunut allanut annikillisaataasutut illutik.

Suliamut saqqummiussaq una ilisimasitsissutitut innersuussutituunngitsoq saqqummiunnerani, kommunip ingerlatsinikkut missingersuutitigut suliniutit pillugit aningaasatigut oqimaaqatigiisitsineq qulakkeersinnaanngilaa, suliamik saqqummiussami kommunip taamatullu aamma innuttaasut sumiiffimmi aningaasaqarnikkut pingaartitaannut, nunaniillu allanit nioqqutissanik eqquusuineranut atatillugu sammisat siammasissumik tunngaveqarput. Sammisaq biiliniq bussinillu ingerlatsineranut tunngaannanngilaq, aammali kommunip aqquserngit pillugit ingerlatsineranut, aserfallatsaaliuineranut, eqquusuineramilu killilersuutit missingersuutaanut kiisalu aningaasartuutit annikillisaarniarlugit allaffissornikkut sulineranut attuumassuteqarluni.

Tamanna Qeqqata Kommuniani inoqarfinni angallassissutinik kikkunnit tamanit atorneqarsinnaasunik ataatsimut isiginninnermut tunngassuteqarpoq, soorlu ullutsinni Sisimiuni, Maniitsumi Kangerlussuarmilu busseqartoq tamanit ilaaffigineqarsinnaasut. Naak angallassissutit tamanit atorneqarsinnaasut periarfissaagaluartut, inuit biiliinik eqquusuinerat qaffariarsimavoq, taamaattumillu aamma kommunimi tamanut angallassissutinut ilaanissaq ornigineqarpallaarani.

Innuttaasut biiliniq akisuunik nunanit allanit imaluunniit illoqarfigisami biiliniq tuniniaasartumit pisinerminni biilit amerlialuttuinnarneri kisiartaallutik aningaasaqarnikkut ajortumik kinguneqartitsinngillat. Biilit amerlialuttuinnarnerisa mingutsitsineranut, aqquserngit ataatsimoorfillu eqqaanni silaannaap pitsaassusaanut, aqqusinermi angallattut amerlanerulernerannut, biilit unittarfiinik amerlanerik pisariaqartitsinerulerneranut kiisalu kommunimi aqquserngit pillugit aningaarsatuutit qaffannerisigut sunniisinaavoq.

Ukiuni arlalinngortuni nunani allani angallannerujussuarmut mingutsitsinernullu aqqiissuteqarniarneq ukkatarineqarpoq, tassani aqqusinerne mikisuni angisuunilu angallannermi siuleriaattoqartarunnaarnissaa qitiutillugu angallassissutinik tamanit atorneqarsinnaasunik, soorlu bussinik qimuttuitsullu assigiinngitsunik atortulersuutitigut pitsanngorsaanikkut atoruminarsaaneq siullermik misiliutigineqarluni. Luxembourgimi illoqarfinni angisuuni atortulersuutitigut annertuunik sanaartorniarnermi isorartussuseq, aningaarsartuutit annertuneri kiisalu pisariussuseq pillugit angallassissutit tamanit atorneqarsinnaasuni ilaaneq aatsaat massakkut akeqarunnaarsinneqarpoq. Suliniut nunami angallannerup annertusigaluttuinnarneranut mingutsitsinernullu, inuiaqatigiinnut akornutaaqisunut ingalassimaartitsissaaq.



Piffinnit allanit sanilliullugu Qeqqata Kommuniani illoqarfiit iluanni bussinik ingerlatsineq pitsaanerusoq taamaallaat pisariaqartinneqarpoq, bussinik angallannerup ajornaquteqanngitsumik ingerlanissaa qulakkeerniarlugu minnerpaamik aqquserngit taamaallaat naleqqusarneqartarput. Allatut oqaatigalugu bussertartunut bussernissap orniginarnerulernissaa pitsaanerulernissaalu pitinnagu bussinik allanik pisinissaq, bussit ingerlaarfiinik allanillu naleqqusaanikku aqquserngit ingerlaarfiinik naannernik naleqqusaa neq eqqaassanngikkaanni atortulersuutit inissereernikuupput.

#### Maleruagassatut tunngavissat

Bussinik ingerlatsineq innuttaasunik kiffartuussinissamut inatsisitigut pisussaaffiunngilaq, taamaalillunilu kommunini nammineq qinigassaalluni.

#### Pissutsit atuutut

Sisimiuni bussinik ingerlatsinerup tiguneqarnera pillugu **sanaartortitsinermut ingerlatsinermullu aningaasaliineq kingulleq** pereerpoq, taamatullu aamma Kangerlussuarmi Maniitsumilu bussinut ingerlatsinermut sulii suliariumannittussarsiorortoqarluni. Kangerlussuarmi Maniitsumilu bussinik ingerlatsinerup suliariumannittussarsiorneqarneranni *entreprenørit* isumaqatigiissuteqarnikkut Kommunimit tunniunneqartartut saniatigut ilaasut akiliutaat aamma tigusarpaat, Sisimiunilu ilaasunit akiliutigineqartut Qeqqata Kommunianit tiguneqartarlutik.

2020-p naalernerani Sisimiuni bussinut ingerlatsinerup tiguneqarnissaanut atatillugu politikikkut aalajangiisoqarpoq, tulliuttullu aalajangiiffigineqarlutik:

Illassutitut katillugit 5.390.000 koruuninik **aningaasaliisoqassasoq**, sanaartornermut suliniutitut nutaatut "Bussinik ingerlatsinermut pisiniarneq"-mik taaguuserlugu.

56204800 Sis ingerlatsineq teknikkikkut, 0402025003 Bussit-nut ukiumut 1,5 mio. koruuninik missingersuutaareersut, kommunip bussinik ingerlatsineranik tigusineranit **atorneqaannassasut**, taamaalillutillu bussertitsisartunut amerlassusiliinermi tallimanut sulisunut aningaasartuutitut matussusiissutigineqarlutik. (Tamatuma malitsigisaanik akissarsiat qaffanneri pissutigalugit politikikkut illassutitut aningaasaliissutinik 233.000 koruuninik piniartoqarsimavoq)

Billest akii **taamaaginnassasut**, sullitanit 2019-imit 1,2 mio. koruuninik isertitaqarfusut, 56204800 Sis ingerlatsineq teknikkikkumi isertitanut atuiffimmik pilersitsisoqassasoq, taannalu bussinik ingerlatsinermut atorneqassalluni.

Bussinut inissiivinnut illassutitut aningaasaliissutissatut annertunerusumik pisariaqartitsinissamut paasissutissiissut tusaatissatut **tiguneqassasoq**, suliariumannittussarsiuussisoqareerpallu immikkut suliarineqassalluni.

Suliamillu saqqumiinermi tassani bussinut inissiivissanut akissatut missiliuutit 9 mio. koruuniunissaa ilisimatitsissutigineqarluni, bussinut inissiisarfiit pisiortorfiup innersuussutai pissutsillu atuuttut allat malillugit pisariaqarput – Bussit ullaakkut nillertillugit aallartinneqarsinnaanngimmata. Taamaakkaluartoq ingerlatsinermut immikkoortortaq suliamut atatillugu ilisimasalinnik oqaloqateqarnikuvoq, taakkulu bussinut nutaanut qularnaveeqqusiinermut piffissaliussaq qaangiuppat, bussini akuutissiaq orsussamik taarserneqarnissaa aammalu motorinik programmilersuineq innersuussutigaat. Suliniutip taassuma kinguneraa, inissiivinnik kissalaartunik pisariaqartitsiunnaarneq, aammalu Sannaviup inissiivia bussinut nutaanut marlunnut qularnaveeqqusiinermut piffissaliussap iluani atorneqarsinnaasoq. Taamaalilluni Qeqqata Kommunian inissiivissanut 9 mio. koruunit missaannik aningaasaliisinnaasumik ujarlertariaaruppoq.

Qeqqata Kommuniani bussinut ingerlatsinermut pissutsit **ukiumullu ingerlatsinermut** missingersuutit tulliuttut atuupput:

1. Maniitsumi bussinut ingerlatsineq suliariumannittussarsiuunneqarpoq, Maniitsumilu TAI-imit aqunneqarluni. Massakkut Maniitsumi bussinik ingerlatsinermut 2.255.000 koruunit missingersuutigineqarput 563030800-0402025003-mi. Entreprenøríp bussertartut akiliutaat nammineq pisarpai. Isumaqaatigiissut 31.05.2023-mi qaangiutissaaq.
2. Kangerlussuarmi Sisimiunilu bussinut ingerlatsineq Sisimiuni TAI-p ataani ingerlatsinermut immikkoortortaqaarfimmiit aqunneqarpoq. Kangerlussuarmi bussinut ingerlatsineq suliariumannittussarsiuunneqarpoq, Sisimiunilu bussinut ingerlatsineq 2021-mi januaarip aallaqqaataani tiguneqarnikuulluni. Kangerlussuarmi Sisimiunilu bussinut ingerlatsineq ukiumut katillugu massakkut 3.325.000 koruuninik missingersuuteqarpoq, Sisimiuni aningaasarsiat qaffannerisigut ilassutitut aningaasaliissutit kingulliit 233.000 koruunit 562040800-0402025003-mi ilanngullugit.
  - a. Kangerlussuarmi bussinut ingerlatsineq 2018-imi suliariumannittussarsiuunneqarpoq, 2023-milu oktobarip aallaqqaataanut killeqarpoq ukiumut 2.129.000 koruunit isumaqaatigiissummut aningaasartaliunneqarlutik. Entreprenøríp bussertartut akiliutaat pisarpai.
  - b. Sisimiuni ukioq 2021-mi bussinut ingerlatsinermi missingersuutaasimasoq 1.500.000 koruuniugaluarpog, bussertitsisulli akissarsiaasa qaffanneqarnerat pissutigalugu maajimi 2021-mi kommunalbestyrelsip aalajangiinerani ukiumut ilassutitut aningaasaliinermi 1.733.000 koruuninut qaffanneqarlutik. Ukiumut 1.733.000 koruuni missingersuutigineqartoq 562040800 – 1001075605 – 122010200 – 010580-imiippoq, bussertitsisunullu tallimanut aningaasartuutitut matussutissatut atorneqarput, Qeqqata Kommuniani SIK-llu akornanni bussertitsisut akissarsiaasaat pillugit nutaamik isumaqaatigiissusiortoqarluni. Ammattaq billetsit akii ilaasartunit 2019-imit 1,2 mio. koruuninik isertitaqarfiusut bussinik ingerlatsinermut aningaasartuutitut allanut aserfallatsaaliinermullu isertitanut atuiffik 562040800 – 0402025003 – 121040100 – 010580 pilersinneqarpoq.

Ullutsinni Sisimiuni, Maniitsumi Kangerlussuarmilu bussertartut aningaasanik akiliillutik imaluunniit ukiut apeqqutaatillugit assigiinngitsunik ukiumut kortinik pisinikkut bussinut ilaasannaapput. Sisimiuniinnaq, bussertartoqarnerusumi isertitat killilerujussuusarput, 2019-imi qaffasissusaat malillugit 1,2 mio. koruunit missaaniillutik.

Taakku isertitat Sisimiuni bussertitsisunut aningaasartuutitut matussusiinnaanngillat, bussinulli nalinginnaasumik ingerlatsinermut aserfallatsaanermullu kisiisa matussusiillutik. Sisimiuni bussinut ingerlatsineq taamaallaat tiguneqarnikuuvoq, bussertitsisullu akissarsiaat ukiumut immikkut 1.733.000 koruuninik ilaannakortumik missingersuuteqarlutik.

**Allaffissornikkut nukippassuit** ullormiit ullormut akiliinermi aningaasat qulakkeerniarnerannut ukiumullu kortit pilersinniarnerannut atorneqartarput, tamatumalu kingunerivaa kommunip allaffeqarfiata Sannaviullu bussinut ingerlatsineq pillugu maalaarutininik suliaqarnissaminut tigusinissaminnullu ulapippallaartarnerat, pissutsit massakkut atuuttut allanngunnginnissaat anguniarlugu, allaffimmi sulisussanik atorfinitsitsinissaq pisariaqarpoq. Allaffeqarfimmi sulisut ulluinnarni teknikkikkut avatangiisinullu tunngasunik allanillu suliaqarnerminni bussinut ingerlatsinerup aqunneqarnera pisarnertut ingerlassinnaanngilaat. Allangortoqarnissaa pinaveersaarniarlugu, allaffeqarfik allaffimmi suliasanik annertusigaluttuinnartunik isumaginnittussanik sulisunik atorfinitsitsinissaminut ilassutitut aningaasaliissutinik qinnuteqartariaqarpoq.

Tamatuma saniatigut Naatsorsueqqissaartarfimmit ilanngussaq 1-imi naatsorsuinerit takutippaat, 2007-imiit 2021-mut nuna tamakkerlugu inuit biiliisa nalunaarsorneqarnikut amerlassusaat 5.832-nngorlutik marloriaatinngungajassimasut. Ukiuni makkunani nunatsinni inuit biiliisa amerlassusilerneqarneranni 15 procentii Qeqqata Kommuniata iluaniipput, piffissallu taassuma iluani Sisimiuni Maniitsumilu 519-ininngaanniit 896-inut amerleriarsimallutik. Tamatuma saniatigut aamma piffissami tassani nuna tamakkerlugu ATV-t 65-imiit 504-mut amerleriapiloorsimallutik, amerlanerillu Sisimiuniinnissaat ilimagineqarluni.

Naatsorsueqqissaartarfik aamma aningaasaqarneq eqqarsaatigalugu inuit biiliinik eqqussuineq pillugu naatsorsuusiornikuuvoq, 2007-imiit 2021-imi inuit biilii 47 mio. koruuninik nalillit nunatsinnut eqqunneqarsimapput, kingornalu 2020-mi 75 mio. koruuninut qaffariangaatsiarsimallutik. **Qulaani pineqartut malillugit inuit biiliisa 15%-ii Qeqqata Kommunianut eqqunneqarsimanissai naatsorsorutsigit, ukiumi 2020-mi kisimi kommunip innuttaasui suliffeqarfillu biilnik 11,5 mio. koruunit nalilinnik eqqussimassapput.**

Maniitsumi Sisimiunilu, kommunip iluani angallaffiunerpaani, ukiumut missiliuteqarfiusumut 2019-imum **aqquserngit pillugit aqutsinermut asfaltiterinermullu tulliuuttunik missingersuuteqartoqarpoq:**

Sumiiffik	Immikkoortortaqarfik	taagutaa	Ukiumoortumik missingersuutit	Ukioq missing.
Sisimiut	402025007	Asfaltiorneq	1.410.000	2019
Sisimiut	902030000	Aqqusernit, Ikaartarfiit. Majuartarfiit	1.610.000	2019
Maniitsoq	902030000	Aqquserngit, ikaartarfiit, majuartarfiit	2.239.000	2019
Sisimiut	500132	Asfalteq	2.500.000	2019
Sisimiut	500131	Asfalteq	1.500.000	2019
<b>Katillugit</b>			<b>9.259.000</b>	

**Ukiumut akigitaaq 9,3 mio koruunit** piffissap ingerlanerani annertusigaluttuinnartussaavoq, taamatullu aamma kommunip iluani biilit amerliartorneranni illoqarfinni biilinit unittarfiit ikippallaalissapput, piffissallu ingerlanerani Sisimiuni ingammik angallanerit ulapaarfiusut takussaaleralluttuinnassallutik.

Sisimiuni Maniitsumilu tamat angallannerat ima allannguuteqartariaqarpoq:

1. Aqquserngit pillugit ingerlatsinermi aserfallatsaaliinermullu missingersuutigineqartut 9,3 mio. koruunit, biilit allalluunniit angallassissutit amerliartorneranni annertusiartussanngillat.
2. Kommunimi innuttaasut biilnik eqqussuineq ukiumut 11 mio. koruuninut killeqarsimaartissavaat, taakkua sumiiffimmi atornerarsinnaammata kaaviaartinneqarlutillu.
3. Tamat angallannerat pillugu allaffissornerup killilersimaarneqarnissaa, allaffissornerup kisimi tamat angallannerat pillugu pitsaanerusumik ingerlatsisinnaannginnami, aningaasaqarnermullu sunniutaa annikilluni.

Atuilluartuunissakut kingunerisinnaasai

Kommuunip innuttaasunut tamanut angallassinissamik neqeroorutaata atuilluartuunissa qulakkeerneqassasoq. Peqqissuttip tungaaniit innuttaasut bussinik atuinerat aporfittut

isigineqarsinaavoq, peqqinnissaqarfimmi oqartussat innuttaasut timersortarnissaat innersuussutigimmassuk. Tamanna aamma innuttaasut biilnik atuinerannut annertusiartortumut aamma atuuppoq. Peqqissutsip tungaaniit bussit ingerlaarfiinik allannguinermik aaqqiissuteqartoqarsinnaavoq, taamaalillutik ilaasunit pinngortitami sukisaarsaartafittut periarfissaasinnaasut sukkanerusumik ajornannginnerusumillu orninneqarsinnaaniassammata, soorlu qaqqasiornerit ilaatigut nuannarineqartorujussuupput.

Innuttaasunut kommunimilu tamanut angallassineq pitsaasoq ajornannginnerusorlu anguniaraanni, angallassineq tamanut piuminartuusariaqarpoq ajornaatsullunilu.

Innuttaasut akileeqqaaratik imaluunniit billetseqaqaaratik bussinut ikisinnaagaluarpata piffimmiillu piffimmut sukkanerusumik apuussinnaagaanni, amerlasuut biilinit aningaasaliisarunnaarnissaat nalilerneqarpoq. Taamatullu aamma sulisorpassuit, atuartorpassuit allallu angallanneq piffissaajaatigiunnaarlugu piffissaq eqqorlugu aggetalissagaluarlutik.

Tamatuma saniatigut illoqarfimmi sukisaarsaartarfiit innuttaasunit ullut tamaasa orneriaannaaneri aamma qulakkerneqassalluni.

#### Aningaasaqarnikkut allaffissornikkullu kingunerisinnaasai

Bussinik ingerlatsinerup qanoq pitsaanerulernissaa, aammalu kommunimi tamanut angallassinerup akeqarunnaarsinneqarnissaa aningaasaqarnikkut allaffissornikkullu kingunerisinnaasaatigut annertuumik sunniuteqarsinnaanera.

Tamanut angallassineq akeqarunnaaraluarpat bussinut ingerlatsinikkut allaffissorneq assut oqilisaanneqassagaluarpoq, taamaakkaluartorli soorlu atuisunut akigititanik naleqqussaaneq allanngortinneqarnani.

Bussit taama amerlassuseqartillugit angallassineq akeqarunnaarsinneqaraluarpat, Kangerlussuarmi Maniitsumilu entreprenør itertitaminnik ilaasut akiliutaannik annaasaminnik taarsiissuteqarfigineqassapput. Sisimiuni kisitsisit aallaavigalugit akit annertussusaa 700.000 koruunimut naatsorsorneqarpoq, Sisimiunili ukiumut 1,2 mio. koruunit pisariaqartinneqassallutik. Allatut oqaatigalugu kommunimi tamanut angallassineq akeqarunnaarsinneqaraluarpat, ingerlatsinermut missingersuutitut kommuni tamakkerlugu 1,7 mio. koruunit ilassutitut aningaasaliissutigineqarnissaat naatsorsuutigineqassaaq.

Taamaakkaluartuq bussit amerlassusaa pissutaalluni, ingammik Sisimiuni, bussinik angallanneq pitsaasoq sulit qulakkeerneqarsinnaanngikkallarpoq. Tamanna isumaqarpoq innuttaasunut bussit orniginarsarnerunissaat, taamaalilluni biilnik pisinissaq pinaveersaarneqarniassammata. Sisimiuni, Kangerlussuarmi Maniitsumilu bussit amerlassusaaq marloriaatinngussappata bussillu ingerlaartarfii allanngorlugit, bussini sulisunik, bussinik, bussit unittarfiinik amerlanerusunik aammalu aqqusinernik naleqqusaaanissat pisariaqartinneqarput. Tamakku tamaasa politikikkut naatsorsuutitik erseqqissaanikkut politikikkut kissaateqartoqareernerata kingorna naatsorsorneqarluarumaarput.

Suliniut taxartitsisunut ajunngitsumik ajortumillu aamma kinguneqarsinnaavoq, tamannali aallaqqaataaniilli oqaatigiuminaappoq. Bussertartut amerlineranni taxartartut ikilisinnaanissaat ilimagineqarsinnaavoq. Taamaakkaluartorli aamma amerlanerit biilerpallaarunnaarnissaat

naatsorsuutigineqarsinnaalluni, taamatullu innuttaasut bussinit taxanillu ingerlanneqarnissamik taamaallaat periarfissallit amerlissallutik, taxanillu atuisut amerlinissaat aamma ilimanaateqarluni.

#### Allaffeqarfiup naliliinera

Matumuuna tamanut angallassineq, aqqusinernik aserfallatsaaliineq, allaffissornikkut suliassat kiisalu sumiiffimmi aningaasaqarnikkut iluanaarutit kingunerluutissallu pillugit eqquusinermit killeqartitsinissamat suliniutit tamakkiisumik takunnilersitsisinnaasut pillugit paasissutissat tigussaasut suliampilu naatsorsuutigisat inissinneqarput.

Allaffeqarfik naliliivoq, bussinut billetsit akiisa apparneqarneri qaffanneqarneriluunniit bussertartut amerlassussaannut, biilnik eqquusinermit kiisalu aqquserngit aserfallatsaaliineqarnissaannut biilinullu unittarfiinnik pisariaqartitsinermit atatillugit kommunip aningaasartuutaanut annikitsuinnarmik sunniuteqassapput. Billetsit akii taamaatiinnarneqaraluarpata, akikillippata akitsoraluarpataluunniit bussernissaq innuttaasunut suli pisariussaaq. Taamaattoqartillugu innuttaasut kaasarfimmini aningaasateqarnissartik imaluunniit buskortimik pisinissartik nassarnissartilluunniit suli eqqaamasassavaat. Taamaattumillu aamma ilaasunut ataasiakkaanut piffimmiit piffimmukarniartarneq siviunerussappat, bussernissaq orniginarunnaassaaq.

Inuit biilnik eqquusinerujussuat unikaallatsinneqassappat, suliniut pillugu kommuunip unammillertai sumiiffimmilu aningaasaqarnerup siuarsaneqarnissaannut innuttaasut peqataanissaanut siuarsaanissat aallaavigalugit politikikkut eqqarsaatersortoqartariaqarpoq.

Allaffeqarfimmiit angallannermit pilersaarut politikikkut siornatigut aalajangiiffigineqarsimasooq massakkut sularineqarpoq. Bussinullu ingerlatsineq angallannermit pilersaarusiimut inissinneqarnissaa pilersaautaanngilaq, allaffeqarfimmiit taamaallaat sularineqarsinnaammatt. Taamaalillutik angallannermit aningaasaliisutit attuumassutilinnut allanut atorneqarsinnaassapput.

#### Innersuussut

Allaffeqarfiup Teknikkimut ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa:

Allaffeqarfiup siunissami bussinut ingerlatsinermit politikikkullu naatsorsuutit pillugit ilisimasaqarlualernissamat iliuusissat, allaffeqarfiup bussinik ingerlatsinermit allannguutinik suliqaannarnissaat pillugit politikikkut ukkatarinninnissamat pisariaqartsitsineq pillugu ilisimasitsissutaa tusaatissatut **tiguneqassasoq**.

#### Aalajangiineq

Paasissutissiissut tusaatissatut tiguneqarpoq.

#### **Ilanngussat:**

1. Naatsorsueqqissaartarfimmiit paasissutissat naatsorsuutillu.

## **Imm. 6.4      Teknikkeqarnermut tunngasut iluanni akissarsianut aningaasaliisutinik atuinerup qaffannerunera pillugit paasissutissiissut, missingersuut 2020**

### Tunuliaqutaq

2021-mi juunip 26-ani mail atorlugu saaffiginnissuteqarnikkut aningaasaqarnermut allatseqarfik ataatsimiititalianut qinnuiginninnikuuvoq, akissarsianut aningaasaliissutinik atuinerunerup qaffarinera annertusineralu pillugit paasissutissiisoqarnissaa pillugu. Ukiumut 2020-mut naatsorsuutit takutitarisaanik, akissarsianut aningaasartuutit qaffasinnerinik nassuiaasumik, atatatsimiititaliamut suliamik saqqummiinermik suliaqartoqarnissaa pillugu 2021-mi juunip aallaqqaataani aningaasaqarnermut ataatsimiititaliamit aningaasaarnermut allatseqarfik qinnuigineqarsimavoq, suliamik saqqummiusaaq aggustip arfernganni aningaasaqarnermut ataatsimiititaliap ataatsimiinnissaanut ingerlateqqinneqassalluni.

### Maleruagassatigut tunngavigisaq:

Kommunip naatsorsuuserinermut maleruaqqusaa

### Pissutsit atuuttut

Ilanngussami 1 aamma 2 takutinneqartutut 2020-mut ukiumut nalunaarusiaagallartoq Teknikkeqarnermut ataatsimiititaliap akuersissutigivaa. Ukiumut nalunaarusiaagallartoq ingerlatsinermut sanaartormillu imaqqarpoq, aammalu nalunaarusiornissaaq pillugu qinnuiginninnermi uani ingerlatsinermut immikkoortup iluani akissarsianut aningaasartuutit kisimik akissarsianut aningaasartuutinut tunngatillugu Teknikkeqarnermut ataatsimiititaliap pingaarnertut akisussaaffianut attuumassuteqarput.

- 562040100 SIS Kalaalimineerniarfik - Qimatulivik
- 562040200 SIS Entreprenøreqarfik
- 562040300 SIS Ikuallaavik
- 562040400 SIS Upalungaarsimaneq Qatserisartoqarfik
- 562040700 SIS Eqqagassalerineq/anartarfilerineq
- 562040800 SIS TEKNIKKIKKUT Ingerlatsineq
- 563030100 MAN Kalaalimineerniarfik
- 563030200 MAN Entreprenøreqarfik
- 563030300 MAN Ikuallaavik
- 563030400 MAN Upalungaarsimaneq Qatserisartoqarfik
- 563030700 MAN Eqqagassalerineq/anartarfilerineq
- 563030800 MAN TEKNIKKIKKUT Ingerlatsineq

Soorlu ukiumut nalunaarusiaagallartukkut allanneqartoq, ERP-systemi suli iluatsivinngilaq, taamaattumik immikkoortut normuisa ilaannut missingersuutit allanneqanngillat. Naatsorsuutit matuneqarmata 2020-mi ukiumut naatsorsuutini nuutsinerit kingulliit suli suliarineqanngimmata, 2020-mut ukiumut naatsorsuutinut inaarutaasumut aningaasanik nalimmassaanerit minnerusut suliarineqarsinnaapput. Eqqaavilerinermut/anartarfilerinermut, nunaminertanik atugassiinernut akiliutissat assigiinngitsut, eqqagassat, ungasiaanit kissamik tunisinerit il.il. akiligassiissutinik anillatsitsinerit, nalunaarutisanut tunngatillugu nikisitaapput, aammalu ukiumut nalunaarusiornermut atatillugu ataatsimut aatsaat kisitsisit eqqornerusut pissarsiarineqassapput. Sisimiunut Maniitsumullu ataatsimut atuuttuuvoq, ERP-mut ikaarsaarnermiit ukiup ingerlanerani atuiffinnut nuutsinernut pisariaqartitsisunik kukkusunik atuiffilersuinerit naatsorsuutigineqarsinnaanerit, konverteringssystemi digitaliusoq kukkunernik imaqqarsimammat, akiligassiissutillu annertuut akilerneqarnissaanut piaartumik suliarineqarsimanatik.

Atuilluartuunissakkut kingunerisinnaasai

Aningaasaqarnikkut pitsaasumik tamakkiisumik takunnessinnaanissaq, atuinermik ilalerlugu ingerlaavartumik kommunit misseringersuutaannik ataasiakkaanut tunngqavissanik pilersitsisarpoq. Aningaasaqarnikkut sakkusaanik pitsaanagerusunik peqarluni aningaasaqarnikkut pitsaasumik takunnessinnaaneq ajornannginnerulertarpoq.

Taamaattorli naatsorsuuserinermi systemimi akunnernut atuinermut atorneqartoq imminermini suliaavoq pingaarutilimmik tunniussingitsaq, taammaattumik sapinngisamik killilersorneqartariaqartoq.

Kommunip pisariaqartitaanut atuisunulluunniit pitsaasutut sanaajunngitsumut naatsorsuuserinermut systemimi piffissamik atueqqittariaqalerneq, tamatuma malitsigisarpaa, sulisut suliassavimminnut sulinermik atugassaraluisa annikillinerat. TAI pingaarnertut suliaannik piffissaq eqqarsaatigalugu killiliineq aningaasaqarnikkut kingunissanik malitseqartarpoq, ingerlatsinikkut sanaartornikkullu suliniutit kinguaattoortarmata, aammalu inuiaqatigiinnut pingaarutillit allaffissornikkut suliassat aamma eqqorneqartarlutik.

Aningaasaqarnikkut allaffissornikkullu kingunerisinnaasai

Teknikkeqarnermut Avatangiisinullu immikkoortorta qaqutigalugu ataatsimiititaliap akisussaaffigisai, akissarsianut aningaasartuutitut tunngasut kisimik uani suliassi saqqummiussami nassuiarneqarput. Taakku annertunerusunik ingerlatsinermut immikkoortut ataanni aqqissuussaannikkut inissisimapput. Aammattaaq Upalungaarsimasuniit oqaaseqaammik attuumassutilimmik pissarsisoqarnikuuvoq, uani suliassi saqqummiussami ilanngunneqartumik. Upalungaarsimasut kommunimi pisortaanerup ataani nammineq immikkoortuuvoq.

Akissarsianik atuinermik naatsorsuineq ilanngussami 2-mi takuneqarsinnaavoq, tassani akissarsianut atuinerit attuumassutilli tullinnguuttut takuneqarsinnaallutik:

**Teknikkeqarnermut ataatsimiittaliap juli-p 28-ni 2021 ileqquusumik ataatsimiinnerata 05/2021  
imaqarniliornera**

Row Labels	+ 2020		Total Consumption Pct 2020
	Posted Amount	Budget	
<b>527010000: Planchef og Sekretariat</b>			
122010100: Månedsløn	167.437		
<b>561010000: SIS Teknik &amp; Miljø Stab</b>			
122010102: Månedsløn bagud	7.162.614	6.320.000	113,33 %
122010200: Timeløn			
<b>562040300: SIS Forbrændingsanlæg</b>			
122010102: Månedsløn bagud	411.961	1.160.000	35,51 %
122010200: Timeløn	3.813.119	2.493.000	152,95 %
122010302: Merarbejde - månedsløn bagud	92.162		
122010303: Merarbejde - timeløn	891.624	217.000	410,89 %
122010500: Feriepenge	0		
<b>562040400: SIS Beredskab Brandvæsen</b>			
122010101: Månedsløn forud	930.566		
122010102: Månedsløn bagud	1.937.616	1.355.000	143,00 %
122010200: Timeløn	248.378	265.000	93,73 %
122010400: Pensionsbidrag		23.000	
122010500: Feriepenge		109.000	
<b>562040700: SIS Renovation</b>			
122010200: Timeløn	818.880	518.000	158,08 %
122010303: Merarbejde - timeløn	8.401		
<b>562040800: SIS Drift TEKNISK</b>			
122010100: Månedsløn	473.981	310.000	152,90 %
122010101: Månedsløn forud	292.409		
122010102: Månedsløn bagud	1.859.134	1.432.000	129,83 %
122010200: Timeløn	6.275.816	5.463.000	114,88 %
122010302: Merarbejde - månedsløn bagud	60.786	84.000	72,36 %
122010303: Merarbejde - timeløn	1.161.849	327.000	355,31 %
<b>563010000: MAN Teknik Miljø Stab</b>			
122010102: Månedsløn bagud	2.484.419	3.251.000	76,42 %
122010200: Timeløn			
<b>563030300: MAN Forbrændingsanlæg</b>			
122010100: Månedsløn	7.275		
122010102: Månedsløn bagud	798.563	739.000	108,06 %
122010200: Timeløn	1.987.031	1.874.000	106,03 %
122010303: Merarbejde - timeløn	82.401	67.000	122,99 %
<b>563030400: MAN Beredskab Brandvæsen</b>			
122010102: Månedsløn bagud	1.873.966	1.680.000	111,55 %
122010200: Timeløn	134.721	155.000	86,92 %
122010303: Merarbejde - timeløn	1.474		
<b>563030700: MAN Renovation</b>			
122010200: Timeløn	1.210.914	1.297.000	93,36 %
122010303: Merarbejde - timeløn	224		
<b>563030800: MAN Drift TEKNISK</b>			
122010102: Månedsløn bagud	2.385.186	1.194.000	199,76 %
122010200: Timeløn	3.566.497	4.191.000	85,10 %
122010302: Merarbejde - månedsløn bagud	322.947	77.000	419,41 %
122010303: Merarbejde - timeløn	219.986	194.000	113,39 %



2020 naalernerani ingerlatsinermit missingersuutiniit akiligassiissutiniit aningaasat millionit marlunnik kisitsitallit suliniutini ilaatigut akilerneqareersuni imaluunniit ingerlatsinermit atuiffikkut akilerallarneqarnikut sanaartornermit missingersuutininut nuutsinnissaannut TAI nukippassuarnik atuinikuuvoq. ERP-mik systemimik atuutilersitsinerup nalaani piffissami siullermi atuiffiit normuinit nutaanngitsuniit atuiffiit normuinit nutaanut atuiffinnut ikaarsaanissamik nutserinissamik tunniunneqartussamik annertuumik ajornarsiortoqarnikuuvoq, atuiffinni systemimi tukattoqarneranik kinguneqarnikuusumik. Aammattaaq inuussutissarsiortuniit akiligassiissutinik ajornarsiortoqarnikuuvoq, ilaatigut ingerlatsivinnut allanut sulisunullu allanut sulianik susassaangitsunut ingerlasarsimmata. Taakku tamarmik kingunerinikuuat, kikkunnit tamanit bogførinissami iluarsiiarnermi piffissamik annertuumik atuineq.

Allaffeqarfirmut, politikikkut aqutsisunut, innuttaasunut aamma suleqatigisanut pingaaruteqarpoq, kommuni aningaasaqarnikkut systemeqassasoq, ataatsimiititaliat ataasiakkaat akisussaaffeqarfiini ersarissumik takuneqarsinnaassasoq, missingersuutit aggulunneqarnikut tamarmik takuneqarsinnaassallutik, aammalu missingersuutinik allannguinnissamik politikikkut akuersissuteqarnerit tamaasa nutarneqartullutik.

2020-mi ukiumut missingersuutininut akissarsianik atuinermit nalilersuinermit, inissititikkanut akiligassiissutinik sullissinermilu nassuiaataasunik ilanngussat tamarmik takuneqarsinnaajunnaarput. Tamanna peqquteqarpoq, aningaasaqarnermit allatseqarfiup tungaaniit aningaasanik annertuumik illup iluani nuutsisarnernik akulikitsumik suliaqartoqartarnera, ilanngussaq ilanngunneqartoq ilanngunneqarsimanani. Pikkorissarnerup ingerlanerani ERP systemimik tunioraasup TAI-mut erseqqissaatigivaa, nuutsinermit atatillugu ilanngussat tamarmik takkulu paassissutissartaat paarinnaaneqarsinnaasut. Siunissami nuutsisarnerni tamanna qulakkeerneqarnissaa pillugu malitsigisaanik aningaasaqarnermit allatseqarfik qinnuigineqarpoq.

Paassissutissat amigartillugit TAI-mi akissarsianut aningaasartuutit soq qaffasinnerusimanersut tamakkiisumik akissutissaq suliarineqarsinnaanngilaq. Taamaattorli takuneqarsinnaavoq, ERP-mik systemimij nutaami nalinginnaasumik "akissarsianut atuineq qaffassissoq" ersinnikuusoq. Tamanna aningaasaqarnermit systemimi nutaanngitsumi pinikuunngilaq, tassani ingerlatsinermit missingersuutit iluanni ukiumut atuineq missingersuutillu imminnut qanittuararsuusarnikuullutik.

Teknikkeqarnermut ataatsimiititaliap akisussaaffeqarfiini aamma ilanngitsut, teknikkeqarnermut ataatsimiititaliamut aningaasaqarnikkut nalunaarusiani siusinnerusukkut ilaaneq ajornikuusut, aningaasartuuteqarfiit qaammammut nalunaarutini ilanngunneqartarput. Tamanna ilaatigut illoqarfimmik pilersarusiornerup iluani missingersuutini atuineruillu atuuppoq, kiisalu allaffissornikkut sulisinut aningaasartuutininut, siusinnerusukkut atuiffik 11.

#### Allaffeqarfiup naliliinera

Akissarsianut aningaasartuutini tamakkiisumik TAI akissuteqarsinnaanngilaq soorlu qulaani nassuiaatigineqartoq. Taamaattorli ingerlatsinermit immikkoortup iluani pissutsit tullinnguuttut aningaasaliissutiminni killeqartup iluani atuupput:

- Naak kommunimi aputaajaasarnermik suliassat annertungaatsiartut suliariumannittussarsiuunneqarnikuugaluartut, kommuni akunnermusialinnit aputaajaasarnermik suliassanik suli suliaqartoqartarpoq. Oqartussanit allanit ukkataqarneq, kiisalu ingerlatsinermit

immikkoortortaq sanaartorfissagissaanernik naammassisunik amerlanerusunik tigusaqartagaqarnera, ingerlatsinermut tunniunneqartussanik. Kommuni sulisuinit akunnermut atuinernik qaffasinnerusut kingunerivaat, soorunami akunnermusialinnut aningaasartuutit amerlanerusut, kisianni aputaajaanermik annertoq pinngortitamik aammalu isumannaallisaanikkut pisussaaffinnit aalajangerneqartarpoq, aammalu taamaasilluni ukiumit ukiumut aningaasartuutit nikerartuulluni.

- Ilutigitillugu Sis Entreprenørp akeqanngitsumik aputaajagassaanik, utoqqaat pillugit allattorsimaffimmik annertusigaluttuinnartumik tigusaqartoqartarpoq. Entreprenøreqarfik aammattaq sullinneqarnissaq pillugu kommunip sinneranit apeqquteqaatinik tigusaqartarpoq.
- Aqquserngit kilometeriisa annertussusaat, aqqusinermit qullersuarnut aningaasartuutit, kuuffissuit aamma Sisimiuni inoqannginnersat kvadratmerit amerlassussaat ukiut tamaasa, aammattaq aqqusinermit sanaartorfissagissaanermillu suliniutit naammassineqareernerisa kingorna qaffattarpoq. Ingerlaarfiit nutaat taakku aammattaq asfalterneqartussaapput, aserfallatsaalineqarlutik aputaajarneqarlutillu. Taamaaliornikkut akunnermut atuineq ingerlatsinermilu aningaasartuutit ingerlaavartumik qaffattarput.
- Sulianik saqqummiussani arlalinni siusinnerusukkut nassuiarneqartutut eqqagassalerineq ikuallaavimmi annertuumik nungujartortoqartarnera pissutigalugu annertusigaluttuinnartumik aningaasartuuteqarnermik annertuumik aserfallatsaaliinermik kinguneqartumik sammisamut attuumassuteqarnikuvoq. Taassuma kingunerivaa, atortoqarani sulinissamut pisariaqartitsineq qaffakkiartorsimasoq, illuatungaani ungasiaanit kiassarnermit tunisat naatsorsuutigisatut innikuunatik, nungujartorneq aamma ingerlaavartumik piaartumik aserfallatsaaliinissaq pissutigalugu tunniussaqaarnissamik ajornartorsiuteqarneq pissutaalluni. Maannakkumiit siunissami pissutsinut eqqagassanik suliaqarnermi ikaarsaanissaq pillugu kingullermik KB aalajangiinera kingorna, 2022-mi januaarimiit Esanip tungaaniit ikuallaavinnik tigusinissaq pillugu inaarutaasumik isumaqatigiissut pillugu allaffeqarfik oqaloqatiginnippoq. Esanip ikuallaavissaa nutaaq 2023-mit piareersimassaaq. Suliamik saqqummiussami taakkartorneqartumi allassimavoq, naak aningaasartuutinik annikinnerusunik naatsorsuteqartoqaraluaq siunertamut missingersuutaasoq paariinnarneqassasoq, ingerlatsinermut immikkoortup iluani akissarsianut missingersuutinut tunngatillugu nalorninartoqarmat.

TAI naatsorsuutigisaa tassaavoq, ingammik eqqagassanik suliaqarnerup iluani kommunip pisussaaffiisa annersaanik Esani tigusinera, 2022-miit kommunip ingerlatsinermut aningaasaqarnerani pitsaasumik sunniuteqassasoq.

Pisariaqartitsisoqarpat ingerlatsinermut aningaasaqarnerup iluani 2021-mi ilassutitut aningaasaliisoqarnissaa pillugu qinnuteqartoqarsinnaanera naatsorsuutigineqassaaq. Tamanna pitinnagu, atuiifilerinerni nalinginnaasumik torersaasoqarnissaanut pisariaqartitsisoqarpoq, taamaalilluni tamanik takunnittoqarsinnaaneruluni.

Upalungaarsimasut tullinnguuttutigut oqaaseqaateqarput:

- Sisimiuni upalungaarsimasut 2019-imiit 2018-miilu sanilliullugu 2020-mi appittoorsarnerisa amerlassusaat qaffariaateqarsimavoq, akissarsiani aningaasartuutini sunniuteqartumik.
- Sulisut amerlassusiligaanerinit naapertuuttumi aammalu 2019-imi pinngortitami ikuallattoqarnera pissutigalugu qaangiuttoornernit sunniuteqartumik, upalungaarsimasunut siumoortumik qaammammusialinnut missingersuutit iluarsineqanngillat.

- Sisimiuni Maniitsumilu kingumoortumik qaammammusialinnut missingersutit telefonvagtimit aamma appittoornerit amerlassusaasa qaffariaateqarnerannut pisussaaffinnut isumaqatigiissutinit sunnerneqaqqavoq.

### **Innersuussut**

Teknikkimut Avatangiisinullu immikkoortortap Teknikkeqarnermut ataatsimiititaliamut, kingusinnerusukkullu aningaasaqarnermut ataatsimiititaliamut akuereqqullugu innersuussutigaa:

Paasissutissiissut tusaatissatut tiguneqassasoq.

### **Aalajangiineq:**

Paasissutissiissut tusaatissatut tiguneqarpoq.

### **Ilanngussat:**

1. TA 2020-mi ukiumoortumik nalunaarusiarigallagaanit imaqarniliaq
2. 2021-mi februaarip 26-ani 2020 naalerneranit Ingerlatsineq allattorluagaanerusoq
3. ØS-mit akisarsianut atuinermik naatsorsuineq

**Imm. 8 Tamalaat**

Sisimiuni puttasunut tunngasumik Barnabas Larsen apeqquteqaateqarpoq. TA-mi akuersissutaareernikuusunik *sisimiuni puttasunut aningaasanik atuneq pillugu paasisutissiissut*, TA 02.02 ulloq 07. maj 2021 imaqarnilianik nassiussisoqassasoq isumaqatigiissutigineqarpoq.